

全上古三代秦漢三國六朝文

全晉文卷八十九

烏程嚴可均校輯

魯勝

勝字叔時，代郡人。武帝時爲著作佐郎。元康初遷建康令。尋稱疾去。徵博士舉中書郎皆不就。有注墨辨六篇。

上正天論表

若臣言合理，當得改先代之失，而正天地之紀。如無據驗，甘卽刑戮。冒彰虛妄之罪。晉書隱逸
魯勝傳

正天論

自冬至之後，立晷測影，準度日月星辰，案日月裁徑百里，無千里。星十里，不百里。晉書魯勝傳

注墨辯敘

名者所已別同異，明是非，道義之門，政化之準繩也。孔子曰：必也

正名、名不正、則事不成。墨子著書作辯經。曰立名本惠施。公孫龍祖述其學。曰正刑名。顯于世。孟子非墨子。其辯言正辭。則與墨同。荀卿莊周等皆非毀名家。而不能易其論也。必有形察。莫如別色。故有堅白之辯。名必有分明。分明莫如有無。故有無序之辯。是有不是。可有不可。是名兩可。同而有異。異而有同。是之謂辯同異。至同無不同。至異無不異。是謂辯同辯異。同異生是非。是非生吉凶。取辯于一物。而原極天下之汙隆。名之至也。自鄧析至秦時。名家者。世有篇籍。率頗難知。後學莫復傳習。于今五百餘歲。遂亡絕墨辯。有上下經。經各有說。凡四篇。與其書眾篇連第。故獨存。今引說就經。各附其章。疑者闕之。又采諸眾雜集爲刑名二篇。略解指歸。召俟君子。其或興微繼絕者。亦有樂乎此也。晉書隱逸
魯勝傳

王沈

沈字彥伯。高平人。仕郡文學掾。

釋時論

東野丈人觀時日居隱耕汙腴之墟有冰氏之子者出自沃寒之
谷過而問塗丈人曰子奚自日自潤陰之鄉奚適日欲適煌煌之
堂丈人曰入煌煌之堂者必有赫赫之光今子困于寒而欲求諸
熱無得熱之方冰子瞿然曰胡爲其然也大人曰融融者皆趣御覽八百七十
一作趨熱之士其得爐冶之門者惟挾炭之子苟非斯人不如
其已冰子曰吾聞宗廟之器不要華林之木四門之賓何必冠蓋
之族前賢有解韋索而佩朱駁舍徒擔而乘丹轂由此言之何恤
而無祿惟先生告我塗之遠也丈人曰嗚呼子聞得之若是不知
時之在彼吾將釋子夫道有安危時有險易才有所應行有所適
英奇奮于縱橫之世賢智顯于霸王之初當厄難則聯權誦召良
圖值制作則展儒道以暢攢是則袞龍出于經褐卿相起于匹夫
故朝賤而夕貴先卷而後舒當斯時也豈計門資之高卑論勢位

之輕重乎、今則不然、上聖下明時、隆道盛、羣后逸豫宴安、守平百辟君子、奕世相生、公門有公、卿門有卿、指禿腐骨、不簡蚩僕、多士豐于貴族、爵命不出閨庭、四門穆穆、綜儒是盈、仍叔之子、皆爲老成、賤有常辱、貴有常榮、肉食繼踵于華屋、疏飯襲迹于耨耕、談名位者、目詔媚附勢、舉高譽者、因資而隨形、至乃空聊者、目泓噭爲雅量、璵慧者、目淺利爲銻鎗、胸胎者、目無檢爲弘曠、僂垢者、目守意爲堅貞、嘲嗤者、目癟發爲高亮、韞姦者、目色厚爲篤誠、庵矮者、目博納爲通濟、熙熙者、目難入爲凝清、拉答者、有沈重之譽、謙閃者、得清勦之聲、嗁啞怯畏者、謙讓、關聰勇敢者、目鑿諍、斯皆寒素之死病、榮達之嘉名、凡茲流也、視其用心、察其所安、責人必急、于己恆寬、德無厚而自貴、位未高而自尊、眼固嚮而遠視、鼻驟軋而刺天、忌惡君子、悅媚小人、放蔑道素、幅吁權門、心口利傾智目勢媚、姻黨相扇、毀譽交紛、當局迷于所受、聽採惑于所聞、京邑胥翼、羣

土千億奔集勢門、求官買職、童僕爛其車乘、閨寺相其服飾、親客
陰參于靖室、疏賓徒倚于門側、時因接見矜厲容色、心懷內荏、外
詐剛直、譚道義謂之俗生、論政刑曰爲鄙極、高會曲宴、惟言遷除
消息、官無大小、問是誰力、今召子孤寒、攘真抱素、志陵雲霄、偶景
獨步、直順常道、關津難渡、欲聘韓盧、時無狡兔、眾塗圮塞、投足何
錯、于是冰子釋然乃悟曰、富貴人之所欲、貧賤人之所惡、僕少長
于孔顏之門、久處于清寒之路、不謂熱勢自共、遮鋼敬承、明誨服
我初素、彈琴詠典、日保年祚、伯成延陵、高節可慕、丹轂滅族、呂霍
哀吟、朝榮夕滅、日飛暮沈、聯周道師、巢由德林、豐屋蔀家、易著明
箴、人薄位尊、積罰難任、三御尸晉、宋華咎深、投局正幅、實獲我心

晉書文苑
王沈傳

楊乂

乂字玄舒、汝南人、爲給事中、遷左長史、有易卦序論一卷、毛詩

辨異二卷、毛詩異議二卷、集三卷、

雲賦

天地定位、道和肇分、剛柔初降、陰陽烟燼。于是山澤通氣、華岱興雲、則縹渺翩綿、鬱若升烟。塞盤繁呂、詰屈兮、若虬龍之蟠蜿、巖岐
岐、岳立兮、狀有似乎平列仙。東西絡繹、南北油裔、隨風徘徊、流行
蕃鬱、豁兮仰披杳兮四會、凝寒冰于朱夏、飛素雪于玄冥、灑脣液于天漢、騰鴻泉于泰清。乾坤呂之交、奉品物、呂之流形、江海呂之深滿、川谷呂之豐盈、毛羽呂之光澤、草木呂之葩榮、萌芽呂之挺殖、苗秀呂之積成、始于觸石而出、肩寸而征、終于霑濡六合、浸潤
羣生、蕩涤塵穢、含吐嘉祥、施暭凱風、惠加春陽、擬神化于后土、與
三曜、今齊光。藝文類聚

浮素寬之逶迤、御覽

刑禮論

十四

覽眾所抵精思構微迭爲先後文若榮繁翩然相反豈彼繫未存厥中嘗試稽之天地攷之人事旁貫品物綜覈彝倫而刑禮之旨可略言也蓋刑禮之本經緯陰陽擬則乾坤先王所曰化民理物興國濟治也或者取證于春秋有意乎尋本曰綜末然猶未離于先後亦遠難之始也夫陰陽異制化物則均萬物本一變而殊形故王者去彼而適此爲生而于彼爲死夫死者去此而適彼于此爲死而于彼爲生矣禮生于讓刑生于爭讓者割己以與人是刑加于己而禮加于人也爭者奪人以崇己是刑施于人而禮施于己也由此言之讓非純禮爭非純刑也慶賞以勸善而爲惡者懲如有所懲刑亦存矣刑罰曰懲惡而爲善者勸如有所勸禮亦存矣故亡刑則禮不獨施大道廢焉則刑禮俱銷大道行焉則刑禮俱興不合而成末之有也

藝文類聚
五十四

播字景宣陳留人爲本州別駕元康中遷梁王形征西長史進
振威將軍後爲尚書有集二卷

阮籍銘

峩峩先生天挺無欲玄虛恬澹混齊榮辱盪滌穢累婆娑止足胎
胞造化韜光縊韁鼓棹滄浪彈冠嶠岳顯神太素簡曠世局澄之
不濁混之不濁翹翔區外遺物度俗隱處巨室友真歸樸汪汪川
原遇迹圖錄藝文類聚

三十六

曾環

環爲衡陽內史有集三卷

爲舊君服議

古者失地之君託身造次感一時之惠猶齊哀曰爲報嘗爲臣吏
禮待優備故依禮託情而弘教訓矣通典九十秦始中尚書令史
請喪所行服何遵何植駭曰爲不應服荷頭矣俗爲應服又衡
陽內史曾環議云云案秦始中衡陽不入版圖據下文復有孔

范江花案集三卷在頤榮之前頤榮于泰康末入晉卒于永嘉末今依隋志編于

陳頤

頤字延恩，陳國苦人。泰康末爲郡督郵，遷主簿、州辟部從事。元康中舉孝廉，州將留不遣。齊王囬起義，拜騎馬都尉，尋爲歷陽內史。朱彥參軍。元帝爲鎮東，召行參軍事。典法兵二曹。建興初，制版補錄事參軍，出除譙郡太守。太興初，呂疾去，後呂白衣兼尚書，拜天門太守。咸和初，遷梁州刺史，尋免。

陳時務

昔江外初平，中州荒亂，故貢舉不試。宜漸循舊，搜揚隱逸，試呂經策。又馬隆孟觀雖出貧賤，勳濟甚大。呂所不習而統戎事，鮮能呂濟。宜開舉武略，任將帥者言問核試，盡其所能，然後隨才授任。舉十得一，猶勝不舉。況或十得二三，日殞降虜，七世內倚。由余戎狄，

入爲秦相、豈藉華宗之族、見齒于奔競之流乎、宜引幽滯之儕、抑華校實、則天清地寧、人神感應。

晉書陳頤傳

議禁僚屬故避事任

諸僚屬乘昔西臺養望餘弊、小心恭肅更已爲俗、偃蹇倨慢已爲優雅、至今朝士縱誕臨事游行、漸弊不革、已至傾國故百尋之屋突直而焚燎千里之隄蠭垤而穿敗、古人防小已全大慎微已杜萌、自今臨使稱疾須催乃行者皆免官。晉書陳頤傳又略見北堂書鈔一百五十八引王隱晉書作百尋之屋突直而煙焚千里之隄蠭
蠭之穴敗 素引在穴篇則穴敗不誤也

駁已亥格

聖王懸爵賞功制罰糾違斯道苟明人赴水火且名器之寶不可妄假、非才謂之致寇寵厚戒在斯亡、昔孫秀口唱篡逆手弄天機、惠皇失御九服無戴三王建議席捲四海合起義之眾結天下之心、故設已亥義格已權濟難此自一切之法非常倫之格也、其起

義曰來依格難假遭人爲侯或加兵伍或出皇僕金紫佩士卒之身符策委席隸之門使天官降辱王爵顯賤非所曰正皇綱重名器之謂也請自今曰後宜停之皆依用顏意謂不宜
日爲常試駁之云云

晉書陳頤傳初趙王倫篡位三王起張制已亥格其後論功雖小亦

薦焦保于州將

保出自寒素稟質清沖若得參嘉命必能光贊大猷允清朝望使黃憲之徒不乏于豫土令頤庶免臧文之責晉書陳頤傳

與王導書

中華所昌傾獎四海所昌土崩者正昌取才失所先白望而後實事浮競驅馳互相貢競言重者先顯言輕者後敘遂相波扇乃至凌遲加有莊老之俗傾惑朝廷養望者爲弘雅政事者爲俗人王職不恤法物墜喪夫欲制遠先由近始故出其言善千里應之今宜改張明賞信罰拔卓茂于密縣顯朱邑于桐鄉然後大業可舉

中興可冀耳

晉書陳顥傳

卜搢武帝末爲博士

安梓宮議

尚書問今大行崩含章殿安梓宮宜在何殿博士卜搢揚雍議曰臣子尊其君父必居之已正所曰盡孝敬之心今太極殿古之路寢梓宮宜在太極殿依周人殯于西階通典七十九

下室饌議

又問既殯之後別奠下室之饌朝夕轉易諸所應設祭朔望牲用宜所施行案禮具答搢雍議案禮天子日食少牢月朔太牢喪禮下室之饌如他日宜隨御膳朝夕所常用也朔望則奠用太牢備物通典七十九

倚廬議

十九

又問案景帝故事施倚廬于九龍殿上東廊今御倚廬爲當在太極殿下諸王廬復應何所據雍議案尚書顧命成王崩康王居于翼室先儒云翼室于路寢今宜于太極殿上諸王宜各于其所爲廬朝夕則就位哭臨通典七十九

爲天子斬縗服議

尚書問天子崩于今臺書令史官上皆爲服斬縗之服不博士下榷應琳議禮命士官上皆服斬臺書令史列職天朝皆應服斬通典八十一

又問天子崩今司州及河南郡吏出入導從應易服制不下榷答禮庶人在官者服齊縗三月又近臣服斬導從出入皆應從服通典八十

又問服隨君輕重今司隸服斬下吏服齊爲合禮意不下榷答凡臣從君皆降一等今之牧守皆古諸侯下禮相況輕重宜矣通典八十

又問禮義服不從今司隸爲君斬縗義服也下吏爲從不每降一等當爲君喪其親者耳古今行事復云何摧荅禮庶人爲國君齊今則不服然吏若都官從士有職司于喪庭者故宜依庶人在官者義耳義服不從謂近臣服君斬縗之服依降一等者之差耳前稱導從指謂近臣通典八十一

又問諸二千石長吏見在京城皆應制服不博士下摧揚雍應琳等上云禮臣爲君斬縗自士以上見在官者皆應制服通典八十
引魏晉故

宮中爲天子服議

問皇太后三夫人呂后皆服斬諸長公主及諸君崇陽園脩容服制之宜辛摧等議案禮與諸侯爲兄弟者服斬依禮則公主宜服斬而不杖禮召夫人爲長子三年妾爲君之嫡子與夫人同則崇

陽園脩容宜三年

通典八十一
別錄卷政事

宮中爲天子杖議

又問太后及公主應杖不，下搖應琳議。禮爲夫杖，自天子達皇太
后應杖明矣。婦爲舅姑，禮無杖文。皇后不應杖也。君之喪，夫人世
婦在次則杖。卽位則使人執之如禮。三夫人已下皆杖。通典人十一

諸王女孫女爲天子服議

案禮諸侯之大夫爲天子其服齊綴，本無服者也。猶從夫而同。今
王始于大行皇帝本服周官輕明重，依諸兄弟之義所服至尊，疑
當服重。王諸女依諸侯兄弟禮則應服斬也。孫女幼未及于禮，若
欲服宜依諸侯之制。通典八十一
別錄卷八十一
魏晉故
事下
擢廳牀等議

荀晞

晞字道將，河內山陽人。武帝時司隸校尉，后鑿官爲部從事。惠
帝初侍中，東海王越引爲通事令史。累遷陽平太守，齊王冏輔

大夫
夫人

政已爲參軍，拜尚書右丞。轉左丞，因誅坐免。驃騎將軍長沙王乂，已爲從事中郎，尋爲北軍中候。范陽王虓，承制行兗州刺史。懷帝初，進撫軍將軍假節，都督青兗諸軍事，封東平侯。遷征東大將軍，開府儀同三司，加侍中，假節，都督青州諸軍事，領青州刺史。進爲郡公。尋爲大將軍大都督，督青徐兗豫荆揚六州軍事。洛陽陷，豫章王端承制，已爲都督中外諸軍錄，尚書領太子太傅。爲石勒所殺。

承詔罪狀東海王越表

殿中校尉李初至奉破手詔，肝心若裂。東海王越得已宗臣，遂執朝政。委任邪佞，寵樹奸黨，至使前長史潘滔、從事中郎畢邈、主簿郭象等，操弄大權，刑賞由已。尚書何綏、中書令繆播、太僕終胤、黃門侍郎應紹，皆是聖詔親所抽拔，而滔等妄構陷已，重戮帶甲臨宮，誅討后弟，翦除宿衛，私樹國人，崇獎魏植，招誘逋亡，覆襄州郡。

王塗圯隔方貢乖絕宗廟闕烝嘗之饗聖上有約食之既鎮東將軍周馥豫州刺史馮嵩前北中郎將裴憲竝曰天朝空曠權臣專制事難之興慮在旦夕各率士馬奉迎皇輿思隆王室曰盡臣禮而滔邈等坊越出關矯立行臺退徙公卿擅爲詔令縱兵寇抄茹食居人交尸塞路暴骨盈野遂令方鎮失職城邑蕭條淮豫之氓陷離塗炭臣雖憤懣守局東隅自奉明詔三軍奮厲卷甲長驅次于倉垣卽日承司空博陵公浚書稱殿中中郎劉權齋詔敷波與臣共剋大舉輒遣前鋒征虜將軍王讚徑至項城使越稽首歸政斬送滔等伏願陛下寬宥宗臣聽越還國其餘逼迫宜蒙曠蕩輒寫詔宣示征鎮顯明義舉遣揚烈將軍閻弘步騎五千鎮衛宗廟

晉書荀裕傳

又表

奉被手詔委臣征討踰目桓文紙練兼備伏讀跪歎五情惶怛自

頃宰臣專制委杖佞邪內擅朝威外殘兆庶矯詔專征遂圖不軌
縱兵寇掠陵踐宮寺前司隸校尉劉瞰御史中丞溫幾右將軍杜
育竝見攻劫廣平武安公主先帝遺體咸被逼辱逆節虐亂莫此
之甚輒祇奉前詔部分諸軍遺王讚率陳午等將兵詣項翼行天
罰晉書荀勗傳

移檄諸征鎮州郡

天步艱險禍難殷流劉元海造逆于汾陰后世龍階亂于三魏荐
食畿甸覆喪鄴都結壘近郊仍震兗豫害三刺史殺二都督郡守
官長埋沒數十百姓流離肝腦塗地瞞目虛藏負荷國重是呂強
節海隅援枹曹衛猥被中詔委呂闢東督統諸軍欽承詔命剋今
月二日當西經濟黎陽卽日得榮陽太守丁嶷白事李惲陳午等
救懷諸軍與竭大歟皆見破敗懷城已陷河內太守裴整爲賊所
執宿衛闕乏天子蒙難宗廟乏危甚于累卵承問之呂憂歎累息

作夫

晉呂后爲先王選建明德，庸呂服章所。呂藩固王室，無俾城壞是。呂舟櫬不固，齊桓責楚襄王逼狄。晉文致討大翟，燐皇家宣力。本朝雖蹈湯火，大義所甘加諸方牧，俱受榮寵。義同畢力，呂報國恩。晉雖不武，首啟戎行。秣馬裹糧，呂俟方鎮。凡我同盟，宜同赴救。顯立名節，在此行矣。晉書荀罃傳又見十六國春秋十一

滕竝

竝，南陽西鄂人，安南將軍廣州牧脩子。

上表請改父脩謚

亡父脩，羈繼吳壤，爲所驅馳。幸逢開通沐浴，至化得從。俘虞握戎馬之要，未覲聖顏。委南藩之重寶，由勳勞少聞天聽故也。年衰疾篤，屢乞骸骨，未蒙垂哀。奄至薨隕，臣承遺意，輿櫬還都，瞻望雲闕，實懷痛裂。竊聞博士謚脩曰聲直彰流播，不稱行績，不勝愚惄。冒昧間訴。晉書滕脩傳

昧間訴

晉書滕脩傳

杜甫

奇字方叔襄城人初與石崇等爲賈謐二十四友永興中拜汝

南太宗永嘉中進右將軍後爲國子祭酒有易義石子集二卷

薛賦

靈山惟猿奇產所鍾瞻彼巘阿竇曰夕陽厭生薜草彌谷被岡承

文選江淹雜體詩注作懷豐壤之滋潤受甘露之霄降月惟初秋農功少休結

偶同旅是采是求水則岷方之注挹彼清流器澤陶簡出自東隅

酌之召匏取式公劉惟茲初成沫沈華浮煥如積雪唯若春敷

類聚八十二書

鈔一百四十四

若乃沾染眞辰色殢青霜口口口口白黃若虛調神和內慙解悽

除書鈔一百四十四

御覽八百六十七

菽賦

脯則正膚通幹粗鹿肥麋書鈔二百四十五初學記

脯則正膚通幹粗鹿肥麋書鈔二百四十五初學記

鮑則前鹽白參鱣鯉之骸

書鈔一百四十六

賈彬

彬爲車騎長史有集二卷

寧賦

溫顏既緩和志向悅賓主交歡鼓鐸品列鍾子授箏伯牙擊節唱
萬天之高韻譜幽蘭與白雪其始奏也蹇澄疏雅若將暘而未越
其漸成也抑案鐘鑼猶沈鬱之舒徹何㠭盡美請徵其喻剖狀同
形兩象著也設弦十二大簇數也列柱參差招搖布也介位允諧
六龍御也

藝文類聚四十
初學記十六

賈彬

彪爵里未詳

大鵠賦

并序

余覽張茂先

御覽作張安世鷗鶴賦呂其質微處喪而偏于受害

御覽作而隨

遠愚曰爲未若大鵬棲形遐遠自育之全也此固禍福之機聊賦之云、

歎大鵬之播物啟塊化于天壤嘉有鵬之巨鳥攝元氣之夸象揚宇內之逼隘遵四荒召汎蕩藝文類聚九十二御覽九百二十七引晉書

張翼

翼上谷沮陽人爲遼東太守

見後魏書
張翼傳

書

廿三日賴卿翼頓首節過多懷得近書爲慰意已何如淡勞弊頓曳力還不具清化閣

帖三

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷八十九終

全晉文卷九十

烏程嚴可均校輯

潘岳

岳字安仁，滎陽中牟人。武帝時辟司空太尉府，舉秀才，出爲河陽令。轉懷令，補尚書度支郎。遷廷尉評。呂公事免，惠帝初，太傅楊駿引爲主簿。駿誅除名，選爲長安令。尋補著作郎，轉散騎侍郎。與石崇等謀誅趙王倫，事覺遇害。有集十卷。

秋興賦

并序

晉十有四年，余春秋三十有一二。始兒一二毛，已太尉掾，兼虎賁中郎將，寓直于散騎之省。高閣連雲，陽景空曜，珥蟬冕而襲紈綺之士。此焉游處，僕野人也。偃息不過茅屋茂林之下，談話不過農夫田父之客。搗官承乏，猥廁朝列，夙興晏寢，匪遑底窪。譬猶池魚籠鳥，有江湖山藪之思。于是染翰操紙，慨然而賦。于時秋也，故名秋興。

命篇其辭曰

四時忽其代序兮，萬物紛呂迴薄。覽花時之時育兮，察盛衰之所託。感冬索而春敷兮，嗟夏茂而秋落。雖末士之榮悴兮，伊人情之美惡善乎？宋玉之言曰：悲哉！秋之爲氣也。飄瑟兮，草木搖落而變衰。慘栗兮，若在遠行。登山臨水送將歸夫，送歸懷慕徒之戀兮。遠行有羈旅之憤，臨川感流呂歎逝兮。登山懷遠而悼近，彼四感之疚心兮。遭一塗而難忍，嗟秋日之可哀兮。諒無愁而不盡，野有歸燕。陽有翔隼，游氛朝興，槁葉夕殞。于是迺屏輕筆，釋纖綸，藉莞蒻，御袷衣。庭樹槭々灑落兮，勁風戾而吹帷。蟬嘒嘒而寒吟兮，雁飄夜之方永。月曠曠而含光兮，露淒淒而凝冷。熠耀粲于階闌兮，蟋蟀鳴乎軒屏。聽離鴻之晨吟兮，望流火之餘景。宵耿介而不寐兮，獨屏轉于牕。悟時歲之適盡兮，慨俛首而自省。斑駔影呂承弁

兮素髮颺兮垂頭仰羣僕之逸軌兮攀雲漢兮游騁登春臺之熙熙兮珥金貂之炯炯苟趣舍之殊塗兮虛詎識其蹠靜聞至入之休風兮齊天地于一指彼知安而忘危兮故出生而入死行投趾于容迹兮殆不踐而獲底闊側足已及泉兮雖猶後而不履龜祀骨于宗祧兮思反身于緣水且斂衽已歸來兮忽投紱已高厲耕東皋之沃壤兮輸黍稷之餘穫泉涌湍于石閒兮菊揚芳于崖巔裸秋水之涓涓兮玩游條之澈澈逍遙乎山川之阿放曠乎人間之世優哉游哉聊已卒歲

文選藝文類聚三

寒賦

夜漫漫兮攸攸兮淒淒兮凜凜

御覽三十四

登虎牢山賦

辭京輦兮遙邇將遠遊兮東夏朝發軅兮帝墉夕結軌兮中野馮修坂兮停車臨寒泉兮飲馬眷故鄉之遼隔思紆軫兮鬱陶步玉

此召升降凌汜水而登虎牢覽河洛之二川眺成平之雙皋崇嶺
躋召崔嵬幽谷詬召寥寥路遠迤召迫隘林廓洛召肅條爾乃仰
陰嘉木俯藉芳卉青煙鬱其相望懷宇懷召鱗萃彼登山而臨水
固先詰之所哀矧去鄉而離家邈長辭而遠乖望歸雲召歎息腸
一日而九迴良勞者之詠事爰寄言召哀懷

藝文類聚七

滄海賦

徒觀其狀也則湯湯蕩蕩漫形沈流沫千里懸水萬丈測之莫
量其深望之不見其廣無遠不集靡幽不通羣溪俱息萬流來同
含三河而納四瀆朝五湖而夕九江陰霖則興雲降雨陽霽則吐
霞曜日煥水而鹽成剖蚌而珠出其中有蓬萊名嶽青丘奇山阜
陵別島嶼環其間其山則嶧崿鬼峯嵯峨降屈披滄流召特起擢
崇基而秀出其魚則有吞舟鯨鯢鷟鰐龍蜃案御覽九百三十九
當是此下佚引此賦云跨魚鱗鋪文尚有缺脫蛇口猩斑雉軀怪體異名不可勝圖其虫獸則

素蛟丹虬元龜靈鼈修通巨鼈紫貝臘螭玄螭蚴虬赤龍焚鼈遷體改角推舊納新舉扶搖㠭抗翼泛陽侯㠭濯鱗其禽鳥則鷗鵝鶴鵠鳩鷺鵠鵠朱背煌煌縹翠蕙青詳繁浪波之來往遍聽奔激之音響力勢之所迴薄潤澤之所彌廣普天之極大橫率土而莫

兩

裁文類
歌八

西征賦

歲次玄枵月旅蕤賓丙子統日乙未御辰潘子憑軾西征自京徂秦迺喟然歎曰古往今來邈矣悠哉寥廓恍惚化一氣而甄三才此三才者天地人道唯生與位謂之大寶生有修短之命位有通塞之遇鬼神莫能要聖智弗能豫當休明之盛也託菲薄之陋質納旌旄于鉉台讚庶績于帝室嗟鄙夫之常累固既得而患失無柳季之直道佐士師而一黜武皇忽其升遐八音遏于四海天子寢于諒闇百官聽于冢宰彼負荷之殊重雖伊周其猶殆窺七貴

于漢庭諱一姓之或在無危明召安位祗居逼召示尊陷亂逆召受戮匪禍降之自天孔隨時召行藏遷與國而舒卷苟蔽微召繆章患過辟之未遠悟山潛之逸士卓長往而不反惄吾人之拘攀
飄萍浮而蓬轉寮位偏其隆替名節濯召墮落危素卵之累穀甚玄鷺之巢幕心戰懼召兢悚如臨深而履薄夕獲歸于都外宵未中而難作匪擇木召棲集渺林焚而鳥存遭千載之嘉會皇合德十乾坤弛秋霜之嚴威流春澤之渥恩甄大義召明責反初服于私門皇鑒揆余之忠誠俄命余召末班牧疲人于西夏攜老幼而入關已去魯而顧歎季過沛而涕零伊故鄉之可懷疚聖達之幽情矧匹夫之安土邈投身于鎬京猶大馬之戀主竊託慕于闕庭眷輦洛而掩涕恩纏縫于墳塋爾乃越平樂過街縣秣馬皋門稅駕西周達矣姬德興自高辛思文后稷厥初生民率西水滸化流岐幽祚隆昌發舊邦惟新旋牧野而歷茲愈守柔召執競夜申旦

而不寐。憂天保之未定，惟泰山其猶危祀。八百而餘慶，鑒亡王之
驕淫。竄南巢，召投命。坐橫薪，召待然。方指日，而比威。人度量之乖
舛，何相越之遼迴。攷土中于斯邑，成建都而營築。既定鼎于郊廟，
遂鑄龜而啟絲。卒失道而來遷，繫二國而是祐。豈時王之無僻賴，
先哲召長懋。望圉北之兩門，感虢鄭之納惠。討子穎之樂禍，尤闢
西之効戾。重戮帶召定襄，弘大順召霸世。靈壅川召止闔。晉演義
呂獻說，咨景悼召迄。丙政凌遲而彌季，俾庶朝之構逆。歷兩王而
千位，踰十葉召逮報。邦分崩而爲二，竟橫墮于虎口。翰文武之神
器，潔孝水而濯纓。嘉美名之在茲，天赤子于新安。坎路側而瘞之，
亭有千秋之號。子無七旬之期，雖勉勵于延吳。實潛慟乎余慈，炳
山川。召懷古，悵攬轡于中塗。虐項氏之肆暴，坑降卒之無辜。激秦
人召歸德，成劉后之來蘇。事回沈而好還，卒宗滅而身屠。經灑池
而長想，停余車而不進。秦虎狼之疆國，趙侵弱之餘燼。超入險而

高曾杖命世之英蘭、恥東瑟之偏鼓、提西缶而接刃、辱十城之虛
壽、奄咸陽、召取儒、出申威于河外、何猛氣之咆勃、入屈節于廉公、
若四體之無骨、處智勇之淵偉、方鄙宏之忿懥、雖改日而易歲、無
等級目寄言、當光武之蒙塵、致王誅于赤眉、異奉辭召伐罪、初垂
翅于同谿、不尤眚召掩德、終奮翼而高揮、建佐命之元勳、振皇綱
而更維、登嶠坂之威夷、仰崇嶺之嗟峨、舉記墳于南陵、文違風于
北阿、蹇哭孟召審敗、襄墨縗召授戈、曾隻輪之不反、練三帥召濟
河、值庸主之矜憐、殆肆叔于朝市、任好綽其餘裕、獨引過召歸已、
明三敗而不黜、卒陵晉召雪恥、豈虛名之可立、良致霸其有已、降
曲嶠而憐號、託與國于亡虞、食誘賂召賣鄰、不及臚而就拘、垂棘
反于故府、屈產服于晉輿、德不建而民無援、仲雍之祀忽諸、我徂
安陽、言陟陝郢、行乎漫瀆之口、憩乎曹陽之墟、美哉邈乎、茲土之
舊也、固乃周邵之所分、二南之所交、麟趾信于關雎、騶虞應乎鵲

集愍漢氏之剝亂、朝流亡、呂離析、卓滔天、呂大淵、劫宮廟而遷述
仲萬乘之威尊、降遙恩于征役、願請旌于僕汎、既獲許而中陽追
皇駕而驥戰、望玉輅而縱鐵、痛百寮之勤王、咸畢力而致死、分身
首于鋒刃、洞曾腋而流矢、有褰裳而投岸、或攘袂而赴水、傷梓柂
之褊小、撮舟中而掬指、升曲沃而惆悵、惜兆亂而兄替、枝末大而
本披、都偶國而禍結、滅札翹其高眉、委曹吳而成節、何莊武之無
取、徒利閭而義閘、躡函谷之重阻、看天險之矜帶、述諸侯之勇怯、
算贏氏之利害、或開闢而延敵、競遞逃而奔竄、有縛門而莫啟、不
窺兵于山外、連雞瓦而不棲、小國合而成大、豈他勢之安危、信人
事之否泰、漢六葉而折譏、縣弘農而遠關、厭紫極之閑敝、甘微行
呂遊盤、長傲賓于柏谷、妻覩貌而獻餐、疇匹婦其已泰胡厥夫之
繆官、昔明王之巡幸、固清道而後往、懼銜樞之或變、峻徒御而誅
賞、彼白龍之魚服、挂豫且之密網、輕帝重于天下、奚斯漸之可長

弔戾園于湖邑、諒遺世之巫蠱、探隱伏于難明、委讒賊之趙虞、加顯戮于儲貳、絕肌膚而不顧、作歸來之悲臺、徒望思其何補、紛吾旣遇此全節、又繼之曰盤桓、問休牛之故林、感徵名于桃園、發閭鄉而警策、憩黃巷曰濟淹、眺華岳之陰崖、覲高掌之遺蹟、憶江使之反璧、告亡期于祖龍、不語怪呂微異、我聞之于孔公、愠韓馬之大怒、阻關谷呂稱亂、魏武赫呂霆震、奉義辭曰伐叛、彼雖覆其焉用、故制勝于廟算、砰揚桴呂振塵、繕瓦解而冰泮、超遂遁而奔狄、甲卒化爲京觀、倦狹路之迫隘、軌蹠脣呂低仰、蹈秦郊而始闢、豁爽崆呂宏壯、黃壤千里、沃野彌望、華實紛敷、桑麻條暢、邪界裏斜、右濱汎隴、寶雞前噴、甘泉後涌、面終南而背雲陽、跨平原而連嶧、素瀋、湯井溫谷、北有清渭濁涇、蘭池周曲、浸袂鄭白之渠、漕引淮海之粟、林瘦有邠之竹、山挺藍田之玉、班述陸海珍藏、張敘神皋

陘區此西賓所召言于東主安處所召聽于懸虛也可不謂然乎
勁松彰于歲寒貞臣見于國危入鄭都而抵掌義桓友之忠規竭
股肱于昏主赴塗炭而不移世善職于司徒緇衣獎而改爲履犬
戎之侵地疾幽后之詭惑舉僞烽召沮眾淫嬖衰召縱懼軍敗戲
水之上身死驪山之北赫赫宗周威爲亡國又有繼于此者異哉
秦始皇之爲君也傾天下召厚葬自開闢而未聞匠人勞而弗圖
俾生埋召報勤外罹西楚之禍內受牧豎之焚語曰行無禮必自
及此非其效與乾坤召有親可久君子曰厚德載物觀夫漢高之
興也非徒聰明神武豁達大度而已也乃實慎終追舊篤誠欵愛
澤靡不漸恩無不逮率士且弗遺而況于鄰里乎況于卿士乎于
斯時也乃摹寫營豐制造新邑故社易置枌榆遷立街衢如一庭
宇相襲渾雜犬而亂放各識家而競入籍含怒于鴻門沛跔踖而
來王范謀害而弗許陰授劙召約莊擁白刃召萬舞危冬葉之待

霜履虎尾而不噬實要伯于子房樊抗憤呂后酒咀彘肩呂激揚
忽蛇變而龍據雄霸上而高驥曾遷怒而橫撞碎玉斗其何傷
鬚組于輶塗投素車而肉袒疏飲餕于東都畏極位之威滿金墉
鬱其萬雉峻嶠峭崿繩直戾飲馬之陽橋踐宣平之清闈都中雜
選戶千人億華夷士女駢田逼側展名京之初儀卽新館而蒞職
勵疲銑已臨朝勤自強而不息于是孟秋爰謝聽覽餘日巡省農
功周行廬室街里蕭條邑居散逸營宇寺署肆塵管庫蕞芮于城
隅者百不處一所謂尚冠修成黃棘宣明建陽昌陰北煥南平皆
夷漫滌蕩亡其處而有其名爾乃階長樂登未央汎太液凌建章
縈駿姿而欵駘盤輞榜詣而輶承光徘徊桂宮惆悵柏梁驚雉雊
于臺陂孤兔窟于殿傍何黍苗之離離而余思之茫茫洪鐘頓于
毀廟乘風廢而弗縣禁省鞠爲蔓草金狄遷于灞川僕夫肅曹魏
邴之相辛李衛霍之將銜使則蘇屬國震遠則張博望敎敷而舜

倫敘兵舉而皇威暢、臨危而智勇奮、投命而高節亮。暨乎嵇侯之忠孝、宿深陸賈之優游、宴喜長卿、淵雲之文才、子長政駿之史、趙張三王之尹京、定國繹之之聽理、汲長孺之正直、鄒當時之推士、終童山東之英妙、賈生洛陽之才子、飛翠綾、拖鳴玉，自出入禁門者微矣。或被髮左衽、奮迅泥滓、或從容傳會、望表知裏，或著顯績而要時機，或有大才而無貴仕，皆揚清風于土烈、垂令聞而不已。想珮聲之遺響、若鏗鏘之在耳，當音鳳恭顯之任勢也。乃熏灼四方、震耀都鄙，而死之日、曾不得與夫十餘公之徒隸齒，才難不其然乎。望漸臺而扼腕、泉巨猾而餘怒、指不疑于北闕、軾櫓里于武庫、酒池鑒于商辛、追覆車而不寤、曲陽僭于白虎、化奢淫而無度、命有始而必終、孰長生而久視。武雄略其焉在近、惑文成而溺五利、侔造化而制作、窮山海之奧祕、靈若翔于神鳥、奔鯨浪而失水、燐麟骼于漫沙、阴明月而雙墜、擢仙掌而承露、干雲漢而上至、致功

蕩其奚難惟余欲而是恣縱逸遊于角觝絡甲乙呂珠翠忍生民之減半勒東岳曰虛美超長懷呂遐念若循環之無賜較面朝之煥炳次後庭之猗靡壯當熊之忠勇深辭輦之明智衛鬚髮曰光鑒趙輕體之纖麗咸善立而聲流亦寵極而禍侈津便門呂右轉究吾境之所暨掩細柳而撫劒使孝文之命帥周受命曰忘身明戎政之果毅距華蓋于壘和案乘輿之尊儻肅天威之臨顏率軍禮曰長撫輕棘霸之兒戲重條侯之倨貴索杜郵其焉在云孝里之前號憫輶駕而容與哀武安呂興悼爭伐趙曰徇國定廟算之勝負扞矢言而不納反推怨曰歸咎未十里于遷路尋賜劒曰刎首嗟主闇而臣嫉禍于何而不有窺秦墟于渭城冀闕緬其堙盡覓陞殿之餘基裁岐峴曰隱隣想趙使之抱璧淵脫櫛曰抗愾燕圖窮而荆發紛絕袖而自引筑聲厲而高奮狙潛鉉曰脫臍據天位其若茲亦狼狽而可愍簡良人曰自輔謂斯忠而執賢寄苛制

于捐灰矯扶蘇于朔邊。儒林墮于坑冤。詩書燬而爲煙。國滅亡。召
斷後。身刑轂。召啟前。商法焉得召宿。黃犬何可復牽。野蒲變而成
脯。苑鹿化。召爲馬。假讒逆。召天權。鉗眾口而寄坐。兵在頸而顧問。
何不早而告我。願黔黎其誰聽。惟請死而獲可。健子嬰之果決。敢
討賊。召紓禍。勢土崩而莫振。作降王于路左。蕭收圖。召相劉。料險
易與眾寡。羽天與而弗取。冠沐猴而縱火。貫三光而洞九泉。曾未
足。召喻其高下也。感市闇之蔽井。歎戶韓之舊處。承屬號而守闕。
人百身。召納贖。豈生命之易投。誠惠愛之洽著。許望之。召求直。亦
余心之所惡。思夫人之政術。實幹時之良具。苟明法。召繹憾。不愛
才。召成務。弘大體。召高貴。非所望于龍傳。造長山而慷慨。偉龍顏
之英主。曾中豁其洞閑。羣善湊而必舉。存威格乎天區。亡墳掘而
莫禦。臨棺坎而累柱。步毀垣而召延佪。越安陵而無譏。諒惠聲之寂
寥。弔爰絲之正義。伏梁劙于東郭。訊景皇于陽丘。奚信譖而矜謔。

陷吳嗣于局下蓋發怒于一博成七國之稱亂醜助逆目誅錯恨
過聽而無討茲沮善而勸惡皆孝元于渭瑩執奄尹目明貶襄夫
君之善行廢園邑目崇儉過延門而責成忠何辜而爲戮陷社稷
之王章俾幽死而莫救休淫嬖之匈忍勦皇統之孕育張舅氏之
姦激貽漢宗目傾覆刺袁主于義域僭天爵于高安欲法堯而承
禪永終古而不刊瞰康園之孤墳悲平后之專繫殃厥父之篡逆
蒙漢恥而不雪激義誠而引決赴丹爛目明節投宮火而焦靡從
灰熛而俱滅驚橫橋而旋軫歷敝邑之南垂門礎石而梁木蘭兮
構阿房之屈奇疏南山目表闕倬樊川目激池役鬼劖其猶否矧
人力之所爲工徒斲而未息義兵紛目交馳宗祧汙而爲汨豈斯
宇之獨隳由僞新之九廟夸宗廟而祖黃駟吁嗟而妖臨搜後哀
目拜郎誦六載目飾姦焚詩書而面牆心不則于德義雖異術而
同亡宗孝官下樂游紹衰緒目中興不獲事于敬養盡加隆于園

凌兆惟奉明邑號千人訊諸故老造自帝諭隱王母之非命縱聲
樂目娛神雖靡率于舊典亦觀過而知仁憑高望之陽隈體川陸
之汗隆開襟乎清暑之館游目乎五柞之宮交渠引漕激湍生風
乃有昆明池乎其中其池則湯湯汙汙滉瀁彌漫浩如河漢日月
麗天出乎東西日似湯谷夕類虞淵昔豫章之名宗披玄流而特
起儀景星于天漢列牛女以雙峙局萬載而不傾奄擢落于十紀
擢百尋之層觀今數初之餘趾振鷺于飛鳬躍鴻漸乘雲頡頏隨
波澹淡澹澗驚波唼喋陵芡華蓮爛于滌沼青蕘蔚乎翠瀛伊茲
池之肇穿肆水戰于荒服志勤遠召極武良無要于後福而菜蔬
筆寶水物惟錯乃有贍乎原陸在皇代而物土故毀之而又復凡
厥寮司既富而敎咸師貧惰同整櫨擢收罟課獲引繳舉效鯈夫
有室愁民日樂徒觀其鼓枻迴輪灑釣投網垂餌出入挺叉來往
繼經連白鳴根厲響貫鰓呂尾掣三牽兩于是弛青鯢于網鉅解

全晉文卷九十

九

赦鯉于黏徽華鮎躍鱗素鰣揚鬚雍人縷切鸞刀若飛應刃落俎
霍霍霏霏紅鮮紛其初載賓旅竦而遲御旣餐服已屬厭泊恬靜
呂無欲迴小人之腹爲君子之慮爾乃端策拂茵彈冠振衣徘徊
鄧鎬如渴如飢心翹慾目仰止不加敬而自祇豈三聖之敢夢竊
十亂之或希經始靈臺成之不日惟酆及鄗仍京其室庶人子來
神降之吉積德延祉莫二其一永惟此邦云誰之識越可略聞而
難臻其極子羸鋤呂借父訓秦法而著色耕讓畔呂閑田沾姬化
而生棘蘇張喜而詐驃虞芳愧而訟息由此觀之士無常俗而敎
有定式上之遞下均之埏埴五方雜會風流潤滑惰農好利不昏
作勞密邇猶戎馬生郊而制者必割寶存操刀人之升降與政
隆替杖信則莫不用情無欲則賞之不疑雖智弗能理明弗能察
信此心也庶免夫戾如其禮樂呂侯來哲文選藝文類
卷二十七

賜進士出身三品銜廣東等處提刑按察使司按察使兼管驛傳事務黃岡王毓模校刊

全晉文卷九十終

全晉文卷九十一

烏程嚴可均校輯

潘岳

懷舊賦

并序

余十二而獲見于父友東武戴侯楊君。始見知名，遂申之曰婚姻而道元公嗣，亦隆世親之愛。不幸短命，父子凋殞。余既有私艱，且尋役于外，不歷嵩丘之山者九年于茲矣。今而經焉，輒然懷舊，而賦之曰：

啟開陽而朝邁，濟清洛而徑渡。晨風淒而激冷，夕雪曠而掩路。轍含冰而滅軌，水漸輶而凝沍。塗艱危其難進，日日晚而將暮。仰睇歸雲，俛鏡泉流。前瞻太室，俯眺嵩丘。東武託焉，建塋啟疇。巖雙表，列列行楸。望彼楸矣，感于予恩。既興慕于戴侯，亦感元而哀嗣。墳壘壘而接壠，柏森森而橫植。何逝沒之相尋，曾舊草之未異。余

總角而獲見承戴侯之清塵名余目國土眷余日嘉姻自祖考而
隆好逮二子而世親歡攜手日偕老庶報德之有鄰今九載而一
來空館闥其無人陳荄被于堂除舊圃化而爲薪步庭廡日徘徊
涕泣流而霑巾宵展轉而不寐騷長歎日達晨獨鬱結其誰語聊
緇思于斯文

文選賦文類
卷三十四

悼亡賦

伊良嬪之初降幾二紀日迄茲遭兩門之不造備荼毒而嘗之嬰
生艱之至極又薄命而早終含芬華之芳烈翩零落而從風神驟
忽而不反形焉得而久安襲時服于遺質表鉛華于餘顏問筮賓
之何期胥過分而參闈詎幾時而見之目眷戀日相屬聽輒人之
唱籌來聲叫呂連續聞冬夜之極長何此夕之一促且伉儷之片
合垂明哲平嘉禮苟此義之不謬乃全身之半體吾聞喪禮之在
妻謂制重而哀輕旣履冰而知寒吾今信其緣情夕既昏兮朝既

澈延爾族兮臨後庭，入空室兮望靈座。惟飄飄兮燈檠，熒熒兮洋水初陽兮。戒溫遯遠兮，浸遠嗟榮斂兮。孤魂

蘇文類聚
三十四

寡婦賦

并序

樂安任子咸有韜世之量，與余少而歡焉。雖兄弟之愛無以加也。不幸弱冠而終，良友既沒，何痛如之！其妻又吾姨也，少喪父母，滴人而所天又殞。孤女藐焉始孩，斯亦生民之至艱。而荼毒之極哀也。昔阮瑀既歿，魏文悼之，竝命知舊作寡婦之賦。余遂擬之，目敍其孤寡之心焉。其辭曰：

嗟予生之不造兮，哀天難之匪忧。少伶俜而偏孤兮，痛忉怛而懼心。覽寒泉之遺歎兮，詠蓼莪之餘音。情長感呴永慕兮，思彌遠而逾深。伊女子之有行兮，爰奉嬪于高族。承慶雲之光覆兮，荷君子之惠渥。顧葛藟之蔓延兮，託微莖于樛木。懼身輕而施重兮，若履

冰而臨谷、遵義方之明訓兮、憲女史之典戒、奉烝嘗而效順兮、供
灑埽而彌載、彼詩人之攸歎兮、徒願言而心痛、何遭命之奇薄兮、
遘天禍之未悔、榮華暭其始茂兮、良人忽而捐背、靜闕門而窮居
兮、塊然獨而靡依、易錦茵而苦席兮、代羅幬而素帷、命阿保而就
列兮、覽巾筮而舒悲、口嗚咽而失聲兮、淚橫迸而霑衣、愁煩冤其
誰告兮、提孤孩于坐側、時曖曖而向昏兮、日杳杳而西匿、雀羣飛
而赴楹兮、雞登樓而斂翼、歸空館而自憐兮、撫衾裯而歎息、思繆
緜而瞀亂兮、心摧傷而愴惻、曜靈睡而過邁兮、四節運而推移、天
凝露而降霜兮、木落葉而隕枝、仰神宇之寥寥兮、瞻靈衣之披披
退幽悲于堂隅兮、進獨拜于牀垂耳傾想于疇昔兮、日彷彿乎平
素、雖冥冥而固覲兮、猶依依而憑附、痛存亡之殊制兮、將遷神而
安厝、龍輶儼其星駕兮、飛旆翩而啟路、輪案軌而徐進兮、馬悲鳴
而跼顧、潛靈邀其不反兮、殷憂結而靡訴、唏形影于几筵兮、馳精

奠于丘墓自仲秋而在疚兮踰履霜日踐冰雪霏霏而驟落兮風
濶濶而夙興霑冷泠日夜下兮水濂濂兮微凝意忽悒兮遷越兮
神一夕而九升庶漫遠而哀降兮情惻惻而彌甚願假夢兮通靈
兮目炯炯而不寢夜漫漫兮悠悠兮寒淒淒兮凜凜氣憤薄而乘
胷兮涕交橫而流枕亡魂逝而永遠兮時歲忽其邇盡容貌儼兮
頓頓兮左右悽其相憇感三良之殉秦兮甘捐生而自引鞠稚子
于懷抱兮羌低徊而不忍獨指景而心誓兮雖形存而志隕重曰
仰皇穹兮歎息私自憐兮何極省微身兮孤弱顧稚子兮未識如
涉川兮無梁若陵虛兮失翼上瞻兮遺象下臨兮泉壤窈冥兮潛
寐心存兮目想奉虛坐兮肅清懃空宇兮曠朗廊孤立兮顧影塊
獨言兮聽響顧影兮傷摧聽響兮增哀遙逝兮逾遠纏邈兮長乖
四節流兮忽代序歲云暮兮日西傾霜被庭兮風入室夜既分兮
星漢迴夢良人兮來遊若閭閨兮洞開世驚悟兮無聞超慨悅兮

慟懷、慟懷、今柰何。言陟兮山阿，墓門兮肅肅。修壘兮峩峩，孤鳥嚶
兮悲鳴。長松萋兮振柯，哀鬢結兮交集。淚橫流兮滂沱，蹈恭姜兮
明誓。詠柏舟兮清歌，終歸骨兮山足。存懸託兮餘華，要吾君兮同
穴。之死矢兮靡佞性。

文選裁文類
三十四

藉田賦

伊晉之四年正月丁未，皇帝親率羣后，藉于千畝之甸，禮也。于是
乃使甸帥清畿，野廬埽路，封人墮宮，掌舍設桓，青壇蔚其獄，立
翠幕，黜呂雲布，結崇基之靈趾。公啟四塗之廣阼，沃野墳厥，營壤
平砥，清洛濁渠，引流激水，遐阡繩直，邇陌如矢。繩犧服于縹輶，
紺轍綴于黛耜，儼儲駕于塵左。公俟萬乘之躬履，百僚先置位。邑
職分自上下下，具惟命臣。襲春服之萋萋，公接游車之轔轔。微風
生于輕櫛，纖埃起于朱輪。森奉璋，召階列，望皇軒而肅震，皆湛露
之晞朝陽，似眾星之拱北辰也。于是前驅魚麗，屬車鱗翠，闔闔洞

啟參塗方駢常伯陪乘太僕秉轡后妃獻穜稑之種司農撰播殖
之器挈壺掌升降之節宮正設門閭之蹕天子乃御玉輶陰華蓋
衝牙錚鎗綃紩綽練金根照耀召炳晃兮龍驥騰驤而沛艾表朱
玄于離坎飛青縞于震兌中黃鑿召發揮方絲紛其繁會五輅鳴
鑾九旗揚旂瓊釦入藁雲罕曉謳簫管嘲哳召啾嘈兮鼓鞞礮隱
召砰磕筍簷嶷召軒翥兮洪鐘越乎區外震震墳墳塵驚連天召
幸乎藉田蟬冕煩召灼灼兮碧色肅其千千似夜光之剖荆璞兮
若茂松之依山巔也于是我皇乃降靈壇撫御耜抵場染屨洪靡
在手三推而舍庶人終畝貴賤召班或五或九于斯時也居靡都
亂民無華裔長幼雜還召交集士女頌斌而成戾被褐振裾垂髫
總髮躡踵側肩掎裳連襠黃塵爲之四合兮陽光爲之潛翳動容
發音而觀者莫不抃舞平康衢謳吟平聖世情欣樂于昏作兮虛
盡力平樹茲靡誰督而常勤兮莫之課而自厲躬先勞召說使兮

豈嚴刑而猛制之哉。有邑老田父或進而稱曰。蓋損益隨時。理有
常然。高召下爲基。民召食爲天。正其末者端其本。善其後者慎其
先。夫九土之宜。弗任四人之務。不壹野。有菜蔬之色。朝靡代耕之
株。無儲槁。召虞災。徒望歲。召自必。三季之衰。皆此物也。今聖上昧
日不顯。夕惕若慄。圖匱于豐。防儉于逸。欽哉欽哉。惟穀之卹。展三
時之弘務。致倉廩于盈溢。固堯湯之用心。而存救之要術也。若乃
廟祀有事。祝宗諭日。籩籩普淖。則此之自實。縮鬯蕭茅。又于是乎
出。祭穆馨香。旨酒嘉栗。宜其民和。年登而神降之吉也。古人有言
曰。聖人之德。無召加于孝平。夫孝天地之性。人之所由靈也。昔者
明王召孝治天下。其或繼之者。鮮哉希矣。逮我皇晉。實光斯道。儀
刑孚于萬國。愛敬盡于祖考。故躬稼召供粢盛。所召致孝也。勸稼
召足百姓。所召固本也。能本而孝。咸德大業至矣哉。此一役也。而
二美具焉。不亦遠乎。不亦重乎。敢作頌曰。

忠樂甸畿薄采其茅。大君戾止。言耜其農。推萬方。呂祇櫛我公田。實及我私。我簠斯盛。我簋斯齊。我倉如陵。我庾如坻。念茲在茲。永言孝思。人力普存。祝史正辭。神祇攸歆。遼豫無期。一人有慶。兆民賴之。文選載文類

歌三十九

閑居賦

岳嘗讀汲黯傳。至司馬安四至九卿。而良史書之。題曰巧宦之目。未嘗不慨然廢書而歎曰。嗟乎。巧誠有之。拙亦宜然。顧常自爲士之生也。非至聖無軌。微妙玄通者。則必立功立事。效當年之用。是呂資忠履信。呂進德修辭。立誠。呂居業僕少竊鄉曲之譽。忝司空太尉之命。所奉之主。卽太宰魯武公其人也。舉秀才爲郎。逮事世祖武皇帝。爲河陽懷令。尚書郎。廷尉評。今天子詒闈之際。領太傅主簿。府主。誅除名爲民。俄而復官。除長安令。遷博士。未召拜。親疾輒去官免。自弱冠涉平知命之年。八徙官而一進階。再免一除名。

一不拜職遷者三而已矣雖通塞有遇抑亦拙者之效也昔通人和長輿之論余也固謂拙于用多稱多則吾豈敢言拙信而有徵方今俊乂在官百工惟時拙者可㠭絕意乎寵榮之事矣大夫人在堂有羸老之疾尚何能違膝下色養而屑屑從斗筲之役乎于是覽止足之分庶浮雲之志築室種樹逍遙自得池沼足㠭漁釣春稅足㠭代耕灌園鬻蔬㠭供朝夕之膳牧羊酤酪㠭俟伏臘之費孝乎惟孝友于兄弟此亦拙者之爲政也乃作閑居賦㠭歌事遂情焉其辭曰

傲墳索之場圃步先哲之高衢雖吾顏之云厚猶內媿于甯蘧有道吾不仕無道吾不思何巧智之不足而拙艱之有餘也于是退而閑居于洛之涘身齊逸民名綴下士陪京泝伊面郊後市浮梁黝㠭徑度靈臺傑其高峙闡天文之祕奧究人事之終始其西則有元戎禁營、玄校緣微谿子丘黍異葵同機礮石雷駭激矢雲飛

昌先啟行耀我皇威其東則明堂辟廟清穆敞闊環林繁映圓海
迴淵聿追孝昌嚴父宗文考昌配天祇聖敬昌明順養更老昌崇
年若乃背冬涉春陰謝陽施天子有事于柴燎昌郊祖而展義張
鈞天之廣樂備千乘之萬騎服振振昌齊玄管啾啾而竚吹煌煌
乎隱隱乎茲禮容之壯觀而王制之巨麗也兩學齊列雙宇如一
右延國胄左納良逸神祁生徒濟濟儒術或升之堂或入之室教
無常師道在則是故髦士投紱名王懷璽訓若風行應如草靡此
里仁所昌爲美孟母所昌三徙也爰定我居築室穿池長楊映沼
芳枳樹籬游鱗灔澦菌菖敷披竹木蓊藴靈果參差張公大谷之
梨梁侯烏椑之柿周文弱枝之棗房陵朱仲之李麻不畢蒼三挑
表櫻胡之別二柰曜丹白之色石櫺蒲陶之珍嘉落蔓衍乎其側
梅杏郁棣之屬繁榮麗藻之飾華實照爛言所不能極也菜則蕪
韭蒜芥青筍紫薺莧薺甘旨蓼葵芬芳蘘荷依陰時藿向陽綠蔥

含露白蘋負霜。于是凜秋暑退，熙春寒往，微雨新晴，六合清朗。夫人乃御版輿，升輕軒，遠覽王畿，近周家園。體召行和，藥召勞宣，常膳載加，舊疴有痊。席長筵，列孫子，柳垂陰，車結軌，陸櫛紫房，水挂頰鯉，或宴于林，或禊于汎。昆弟班白，兒童稚齒，稱萬壽，召獻觴，或一懼而一喜，壽觴舉，慈顏和，浮杯樂飲，絲竹駢羅，頓足起舞，抗音高歌，人生安樂。孰知其佗，退求己而自省，信用薄而才劣，奉周任之格言，敢陳力而就列，幾陋身之不保，尚奚擬于明哲，仰眾妙而絕思，終優遊召養拙。文選藝文類聚六十四

狹室賦

歷甲第，召遊觀，施陋巷，而言歸。伊余館之褊狹，良窮弊而極微。閭了戾，召互掩，門崎嶇而外扉，室側戶，召攢楹，檐接桓而交棖。當祝融之御節，熾朱明之隆暑，召日暉，召耀庭，赫風熑其灼宇。北堂書抄一百五十六仙沸體怒其如鑠珠汗揮其如雨，若乃重陰晦冥，天威震

曜漢潦沸膳。澆潤奔激。白竈爲之沈溺。器用爲之浮漂。彼處翁而
不怨。嗟民生之收難。匪廣廈之足榮。有切身之近患。青陽萌而畏
暑。白藏兆而懼寒。獨味道而不悶。喟然向其時歎。教文初錄

六十四

笙賦

河汾之寶。有曲沃之懸匏焉。鄒魯之珍。有汶陽之孤篠焉。若乃絲
蔓紛敷之麗。浸潤靈液之滋。隅隈夷險之勢。禽鳥翔集之嬉。固眾
作者之所詳。余可得而略之也。徒觀其制器也。則審洪纖而短長。
刷生簧、裁熟簧。設宮分羽。經微列商。泄之反謐。厭焉乃揚管、擗羅。
而表列音要妙而含清。各守一呂司應。統大魁呂爲笙基。黃鍾呂
舉韻。望鳳儀呂擢形。寫皇翼呂插羽。摹鸞音呂厲聲。如鳥斯企。翫
翻歧歧。明珠在味。若銜若垂。修楓內辟。餘簫外透。駢田鴟攫。鯉鯀
參差。于是乃有始秦終約。前桀後悼。激憤于今賤。水懷平故貴。眾
滿堂而飲酒。猶向隅呂掩淚。援鳴笙而將吹。先嘔噦呂理氣。初雍

容曰安暇中佛鬱曰佛惆終鬼峩曰蹇慴又颶遲而繁沸罔浪孟
曰惆悵若欲絕而復肆惻檄繩曰奔邀侶將放而中爵惄愴惻減
虺韓熨熨汎淫汜豔雪睢岌岌或按衍夷靡或竦踊剽急或既往
不反或已出復入徘徊布濩渙衍鼙舞既蹈而中輶節將撫而
弗及樂聲發而盡室歛悲音奏而列坐泣攢纖嗣曰震幽蕪越上
笛而通下管應吹喻曰往來隨抑揚曰虛滿勃慷慨曰慘亮顧蹲
踏曰舒緩輒張女之哀彈流廣陵之名散詠園桃之夭夭歌東下
之纂纂歌曰棗下纂纂朱實離離宛其落矣化爲枯枝人生不能
行樂死何曰虛諡爲爾乃引飛龍鳴鵠雞雙鵠翔白鵠飛子喬輕
舉明君懷歸荆王喟其長吟楚妃歎而增悲夫其悽戾辛酸嚶嚶
闕闕若離鴻之鳴子也含喟喟諧雍雍喈喈若羣雛之從母也郁
搏劫悟汎宏融裔哇咬嘲噏一何察惠訣厲悄切又何磬折若夫
時陽初暖臨川送離酒酣徒擾樂闋日移疏客始闌主人微疲弛

絃韜籥，徹墳屏，旒爾乃促中筵。櫺友生解嚴顏，懼幽情披黃包。呂
授甘傾縹盞，呂酌躅光歧。儼其偕列，雙鳳嚮日和鳴。晉野悚而投
琴，況齊瑟與秦箏。新聲變曲，奇韻橫逸。繁纏歌徵，網羅鍾律。爛漪
爚，呂放鞞。鬱蓬勃，呂氣出。秋風詠于燕路，天光重乎朝日。大不踰
官細，不過羽唱。發章夏導，揚韶武協。和陳宋泥，一齊楚邇。不逼而
遠，無攜。聲成文而節有敘，彼政有失得，而化呂醇萬樂所。呂移風
于善，亦所。呂易俗于惡，故絲竹之器未改，而柔濁之流已作。惟箏
也能研羣聲之清，惟笙也能總眾清之林。衛無所措其邪，鄭無所
容其淫，非天下之和樂不易之德音。其孰能與于此乎？
文
遜

相風賦

采修竹于層城，歷寒暑而靡凋。踞神獸于下趾，棲靈鳥于上標。混
元恍其初判，二氣變而無窮。動靡微而不兆，象有始而必終。思先
天而不退，立成器目相風。棲靈鳥于帝庭，似月離乎紫宮。飛輕羽

于竿杪若翔鸞平雲中廣漠興而習坎景風發而遡離閭闈揚而曲指明庶起而東移

戴文淵錄
六十八

秋菊賦

馨達幽遠光燭隰原招仙致靈儀鳳舞鸞飛莖散英倚靡相承垂采輝于芙蓉流芳越乎蘭林游女望榮而巧笑鶴鵠遙集而弄音若乃真人采其實王母接其葩汎流英于清醴似浮萍之隨波或充虛而養氣或增妖而揚娥旣延期日永壽又蠲疾而弭疴戴文
八十一文選陶潛雜詩注並作潘岳初學記二十七引兩條
御覽九百九十六竝作潘尼張溥編入潘岳集今姑從之

蓮花賦

偉玄澤之普衍嘉植物之竝敷遊莫美于春臺華莫盛于芙蓉于
是惠風動沖氣和眄清池覩蓮花舒綠葉挺纖柯結綠房列紅葩
仰含清液俯濯素波修柯婀娜柔莖再蕪流風徐轉迴波微激其
望之也暨若瞰日燭崑山其卽之也見若盈尺映藍田戴文淵錄
八十二

芙蓉賦

蔭蘭池之豐沼、育沃野之上腴。課眾榮而比觀煥、卓犖而獨殊抑。
服雲布、宿咤星羅、光擬燭龍色、奪朝霞、丹輝拂紅、飛鬢垂的、斐披
絕赤、散煥媚爐流芬、賦采風靡雲旋、布漫幕落、蔓衍天闊、發清陽
而增媚、潤白玉而加鮮。蘇文類聚
八十二

朝菌賦并序

朝菌者、時人曰爲葬華、莊生曰爲朝菌。其物向晨而結、絕日而殞。
文選郭璞遊仙詩注
尼亦有此賦序其文小異
案潘

柰何兮繁華朝榮兮夕斃

文選劉熙
升天行注

賜進士出身一品銜廣東等處提刑按察使司按察使兼管鑄錢局事務黃岡王毓藻校刊

全晉文卷九十一終

全晉文卷九十二

烏程嚴

潘岳

三

余齊前橘樹冬夏再孰聊爲賦云爾

嗟嘉卉之芳華信氣氤而芬馥既蓊鬱而萎蕤且參差而櫛齒已
鬱鬱而冬茂亦離離而夏熟至如廣命賓客歷覽游觀三清既設
百味星爛炫熯乎玉案照耀于金盤故成都美其家園江陵重其
千樹旣見稱于陸言亦標名乎馬賦漢文類聚八十六

河陽庭前安石櫛賦

并序

安石櫛者天下之奇樹九州之名果也是已屬文之士或敘而賦
之御覽九百七十一

仰天路而高陟顧鄰國目相望位莫微于宰邑館莫陋于河陽雖

一

卷九十二

潘岳

則陋館可召邀遊。實有嘉木，曰安石櫟。修條外暢，榮幹內樛。扶疏偃蹇，冉弱紛柔。于是暮春告謝，孟夏戒初。新莖擢潤，舊葉垂腴。曾華臙目，先越含榮。鶡其方敷，丹暉綴于朱房。細的點乎紅鬚，煌煌輝輝。熠爚委累，佞性長離之栖鄧林。若珊瑚之映綠水，光明燭爛，含丹耀紫。味滋芳神，色麗瓊蕊。遙而望之，煥若隨珠。耀重淵，詳而察之，灼若列宿。出雲閒，千房同模。十子如一，集飢療渴。解醒止醉，旣乃攢乎狹庭。載阤載碥，土階無等。肩牆惟淺，壁衣蒼苔。瓦被駿蘚，處悴而榮。在幽彌顯，其華可玩。其實可珍，羞于王公。薦于鬼神，豈伊仄陋。用渝厥眞，莫由如之。而况于人。洪文類稿入十六初學記二十八御覽八百七又九

十七

果賦

三十六園之朱李

御覽九百六十八

仙李縹而神李紅

同上

射雉賦

并序

余徙家于琅邪、其俗實善射聊日講肄之餘暇而習媒翳之事遂樂而賦之也。

文選射雉賦注

涉青林、呂游覽兮、樂羽族之羣飛、聿采毛之英麗兮、有五色之名
翬、厲耿介之專心兮、奓雄鷙之姱姿、巡丘陵、呂經略兮、畫墳衍而
分畿、于時青陽告謝、朱明肇授、麾木不滋、無草不茂、初望蔚其曜
新、陳柯械、呂改舊、天決決、呂垂雲、泉涓涓而吐溜、麥漸漸而擢芒、
雉鳶鳶而朝雊、晒箱籠而揭驕、睨驥媒之變態、奮勁嵌目角、槎瞬
悍目、日旁睞、鷺綺翼而經撾、灼繡頭而袞背、慟軒翥而餘怒、思長
鳴、日效能爾、乃擊場、拄獮停僵、憇翠綠柏、參差文翮鱗次、簫森繁
茂、婉轉輕利、衷料戾目微鑒、表厭蹠目密緻、恐吾遊之晏起、慮原
禽之罕至、甘疲心于企想、分倦目、日寓視、何調翰之喬桀、邈疇類
而殊才、候扇舉而清叫、野間聲而應媒、襄微罟、日長眺、已踉蹌而

徐來摘朱冠之絕跡、敷藻翰之陪鶴。首葉綠素、身挖黼繪、青鞚莎
靡、丹臆蘭綺、或蹶或啄、時行時止、班尾揚翹、雙角特起、良遊呢喔、
引之規裏、應叱愕立、擺身竦峙、捧黃閒目密殼、屬剛野、目潛擬、倒
禽紛目迸落、機聲振而未已、山驚悍害、疾迅已甚、越壑凌岑、飛鳴
薄廩、鯨牙低鏃、心平望審、毛體摧落、霍若碎錦、逸羣之德、擅場
兩擣、雌姤異、倏來忽往、忌上風之銳切、畏映日之儻朗、屏發布而
累息、徒心煩而技僵、伊義鳥之應敵、啾擾地、目厲響、彼吟音而逕
進、忽交距、目接壤、形盈窗、目美發、紛首頰而臆仰、或乃崇墳夷靡、
農不易壠、稚菽翠穉、翳蕪蕡、慕茸、嗚雄振羽、依于其冢、擗降丘、目馳
敵、雖形隱而草動、瞻挺撻之傾、掩意滄躍、目振踊、噏出苗、目入場
愈情駭而神悚、望懸合而翳晶、雜腋肩而旋踵、俛余志之精貌、擬
青顧而點項、亦有目不步體、邪眺旁睨、靡聞而驚、無見自然、周環
回復、繚繞磐辟、反翳旋把、勞隨所歷、彳亍中輞、散焉中鎬、前刷車

膺、傍截疊翮。若夫多疑少決，膽劣心猶內無固守，出不交戰，來若處子。去如激電，闢闔，驚葉，憚歷乍見。于是算分銖商，遠邇揆懸刀，騁絕技，如轄如軒。不高不媿，當味值胷，裂膝破筭，夷險殊地。馴麌異變，吳不暇食。夕不告歛，昔賈氏之如皋，始解顏于一箭。醜夫爲

之改貌，憾妻爲之釋怨。彼遊田之致獲，咸乘危日馳驚。何斯藝之安逸，羌禽從其已豫。清道而行，擇地而住。尾飾鑣而在服，肉登俎而水御。豈唯阜隸，此焉君舉。若乃耽槃流逝，放心不移，忘其身恤。司其雄雌，樂而無節。端操或斲，此則老氏所誠。君子不爲。文選

螢火賦

嘉熠耀之精將，與眾類乎超殊。東山感而增歎，行士慨而懷憂。翔太陰之元昧，抱夜光以清遊。類若飛焱之霄逝，萼似移星之雲流。動集陽暉，灼如隋珠。熠熠熒熒，若丹英之照葩。飄飄頽頽，初學記作款款若流金之在沙。載飛載止，光色孔嘉。無聲無臭，明影暘遐。飲湛露

于曠野庇一葉之垂柯無千欲于萬物豈顧恤于網羅至夫重陰之夕風雨晦暝萬物眩惑翩翩獨征奇姿燎朗在陰益榮猶賢哲之處時時昏昧而道明若蘭香之在幽越羣臭而弭馨驅陰陽之飄絲非飲食之是營問螽斯之無忌希夷惠之清貞羨微蟲之瑣瑣援彩筆召爲銘

藝文類聚九十七初學記三十御覽五百四十五

上關中詩表

詔臣作關中詩輒奉詔竭愚作詩一篇案漢紀孝明時護羌校尉竇林上降羌顛岸召爲羌豪岸兄顯吾復降問事狀林對前後兩屈坐誣謂下獄死齊萬年編戶隸屬爲日久矣而死生異端必有詭謬故引證喻召愆不恪

文選關中詩注

九品議

天生蒸民而樹之君使司牧之勿失其性君不獨治于是乎建牧立監陳其輔佐故曰天工人其代之然則高官厚祿非明崇賢所

自興治卑位下役非爲鄙愚所目供職雖或聞榮辱之門有爭競
之弊而百王莫之能易者此道不可自故也方今天下隆平四
海攸同薦賢達善各召類進夫觀民宣化爲治之本雖實小邑猶
須其人又中正之身優劣懸殊苟知人者智則不知者謬矣其如
達官各舉其屬萬獄九列朝所取信郡守雖輕有刺史存舉之當
否實司其事攷績累名施黜陟焉進賢受賞不進賢甘戮沮勸既
明則人自爲謀庶公道大行而私謁息矣

藝文類聚
五十二

上客舍議

被下尚書敕客舍廢農奸淫亡命敗亂法度皆當除外十里安一
官舍老小民使守之又差吏掌主依官舍收錢數春農事興求須
冬閑謹案客舍逆旅之設其所由來遠矣行者賴之頓止居者薄
收其直交易貿遷各得其所官無役賦而因民成利惠加百姓而
公無所費語曰許由辭帝堯之命而舍于逆旅春秋外傳曰晉陽

處父遇甯戚于逆旅魏武皇帝亦召爲宜其詩曰逆旅整設召通商賈然則自堯到于今未有不得客舍之法唯商鞅尤之此固非聖世之所言也方今四海會同九服納貢八方翼翼公私滿路近畿輜輶客舍亦稠冬有溫廬夏有涼蔭芻秣成行器用取給疲牛必投乘涼近進發福寫鞍皆有所晤又諸劫盜皆起于迥絕而止乎人眾十里蕭條則奸軌生心連陌接館則寇情震懾且聞聲有救已發有追不救有罪不追有戮禁暴捕亡恒有司存凡此皆客舍之益而官攤之所乏也又行者貪路告糴炊爨皆召昏晨感夏晝熱又兼星夜既限早閉不及攤門或避晚闊道逐路隅祇是慢藏誨盜之原苟曰客舍多敗法教官守棘攤獨復何人彼河橋孟津解券輸錢高第賢察數入校出品郎兩岸相檢猶懼或失之故懸召祿利許召功報今賤吏疲人獨專攤稅管開閉之權藉不校之勢此道路之蠹奸利所殖也卒歷代之舊俗獲行畱之懼心使

客舍灑埽日待征旅擇家而息豈非眾庶願頤之望

藝文類聚

十四御覽

一

百九
十五

兩階銅人訓

言之有臧託乎多士言之不臧絕之由已無日莫傳宣于四海無日莫聞響振萬里樞機之發榮辱之徵怨豈在大纖芥是興

藝文類聚

三十六

許由頌

邈哉許公執眞履貞辭堯天下抱朴隱形川停岳峙澹泊無營棲遲高山與世靡爭虛薄忝任來宰斯城愧無惠化豹產之政峩峩治所樂慕景名登基逍遙來過墓庭通于時憲頃匪不盈恨無旨酒奠公之靈死而不朽公有其榮聊述雅美揚公聲聲

藝文類聚

三十六

故太常任府君畫贊

堂堂我君鑒象開慶逸德宣猷含眞履素味道無間守終純固弓

輿爰集，撫翼清舉。韓飛公庭，龍升天路。初掌萬國，流化千里。遂管
祕籍，辯章舊史。入登常伯，出作卿士。外內惟允，庶績咸熙。中節日
新，令問不已。濟濟儒林，翼翼國子。藝文類聚四十九

學綜羣籍，智周萬物。文選齊竟陵文

宣王行狀注

荅摯虞新婚箴

先王制禮，隨時爲正。俯從企及，豈乖物性。女無二歸，男有再聘。女
實存色，男實存德。德在居正，色在不惑。故新舊兼弘，義申理得。然
性情之際，誠難處心。君子過慮，爰獻明箴。防微測顯，文麗旨深。敬
納嘉誨，敢酬德音。藝文類聚四十初學記十四

案初學記題脫漏岳答三字

世祖武皇帝誄

粵若稽古，帝皇誕受休命。作我晉室，赫赫文皇。配天竝日，大行龍
飛。創制改物，沈恩汪滅。流澤洋溢，上齊七政。下綏萬邦，四門穆穆。
五典克從，惟清緝熙。於變時雍，愛盡事親。教加百姓，于喪過哀。

祭餘敬后釐冕服躬藉粢盛六伐畢奏九功咸詠行敦醇樸思貫
玄妙莅政端位臨朝光曜胄子入學辟雍宗禮國老恂恂貴遊濟
濟莫孝匪子莫悌匪弟化自外明訓法呂禮猶彼吳楚稱亂三代
世歷五俄年幾百載邊垂虔劉王化阻闊羽檄星馳鉦鼓日戒帝
御羣師奉辭奪旅腹心庭爭爪牙疑沮天監獨照聖策乃舉朝服
濟江止戈曜武野無交兵役不淹月僭號歸命稽顙晉闕邪界蠻
流傍納百越表閭旌善德音爰發虞人獻箴周書垂誥酒懼其彝
獸戒其冒于我大行縱心所好動不踰矩性與道與厭厭酣飲樂
不辨顏桓桓振旅田無遊盤我德如風民應如蘭靡不夙夜無敢
宴安務農望歲時或不稔小心翼翼恤民以甚御坐不怡撤膳賑
廩西流垂精南金抑弛永言孝思天經地義問誰贊事英彥髦士
問誰翼佐博物君子潛明神鑒從眾屈己道濟羣生爲而不恃先
天弗違後天降時萬物熙熙懷而慕思願願縉紳不謀同辭巖巖

岱宗想望翠旗，恭惟大行。功成不居，議寢封禪。心栖沖虛，策告不足。太平有餘，七十二君方之蔑如。思樂天德，等壽嵩華。如何寢疾，背世登遐。遷幸梓宮，孤我邦家。廬筮既襲，吉日惟良。永指太極，寧神峻陽。羣后摒蹕，長訣輶輶。聖靈斯顧，豈伊不傷。家無遠邇，邦靡小大。四海供職，同軌畢會。茫茫原野，亭亭素蓋。縞輶解駕，白虎弭旆。龍輶卽定，玄闕載局。如天斯崩，如地斯傾。哀哀庶僚，贊贊自愍。彼蒼者天，胡寧斯忍。聖君不返，我獨旋軫。

藝文類聚十三

楊荊州誄

并序

維咸寧元年夏四月乙丑，晉故折衝將軍荊州刺史東武戴侯榮，陽楊使君薨。嗚呼哀哉！夫天子建國諸侯立家，選賢與能。政是已和，周賴尚父；殷憑太阿，矯矯楊侯。晉之爪牙，忠節克明。茂績惟嘉，將宏王略。肅清荒遐，降年不永。玄首未華，銜恨沒世。命也柰何？嗚呼哀哉！自古在昔，有生必死。身沒名垂，先哲所遺。行已號彰，德已

述美敢託旒旗爰作斯誄其辭曰

邈矣遠祖系自有周昭穆繁昌枝庶分流族始伯孫氏出楊侯奔
世不顯允迪大猷天厭漢德龍戰未分伊君祖考方事之殷鳥則
擇木臣亦簡君投心魏朝策名委身奮躍淵塗跨騰風雲或統驍
騎或據領軍鷙生戴侯茂德繼期纂戎洪緝克構堂基弱冠味道
無競惟時孝實蒸蒸友亦怡怡多才豐藝強記洽聞目睇毫末心
鼻無垠草隸兼善尺牘必珍足不輟行手不釋文翰動若飛紙落
如雲學優則仕乃從王政散璞發輝臨軼作令化行邑里惠洽百
姓越登司官肅我朝命惟此大理固之憲章君蒞其任視民如傷
庶獄明慎刑辟端詳聽參皋呂稱侔于張改授農政于彼野王倉
盈庾億國富兵彊煌煌文后鴻漸晉室君呂兼資參戎作戰用錫
土宇膺茲顯秩青社白茅亦朱其紱魏氏順天聖皇受終烈烈揚
侯賓紳禁戎司管閭閨清我帝宮苛慝不作穆如和風謂督勳勞

班命彌崇、茫茫海岱、玄化未周、滔滔江漢、疆場分流、秉文兼武、時
惟楊侯、既守東莞、乃牧荊州、折衝萬里、對揚王休、聞善若驚、疾惡
如讐、示威示德、曰伐曰柔、吳夷凶侈、僨師畏逼、將乘雖蒙、席卷南
極、繼塞糧盡、神謀不忒、君子之過、引曲推直、如彼日月、有時則食、
負執其咎、功讓其力、亦既旋旆、爲法受黜、退守丘塋、杜門不出、游
目典墳、縱心儒術、祁祁搢紳、升堂入室、靡事不容、無疑不質、位貶
道行、身窮志逸、弗慮弗圖、乃寢乃疾、昊天不弔、景命其卒、嗚呼哀
哉、子襄佐楚、遺言城郢、史魚諫衛、呂尸顯政、伊君臨終、不忘忠敬、
寢伏牀幕、念在朝廷、朝達厥辭、夕殞其命、聖王嗟悼、寵贈衾襚、誅
德策勳、考終定謚、羣辟慟懷、邦族揮淚、孤嗣在疚、寡屬含憤、赴者
同哀、路人增歎、嗚呼哀哉、余曰頑蔽、覆露重陰、仰追先考、執友之
心、俯感知己、識達之深、承諱忉怛、涕淚霑襟、豈忘載奔、憂病是沈、
在疾不省、于亡不臨、舉聲增歎、哀有餘音、嗚呼哀哉、

文選

楊仲武誄并序

楊綏文選齊竟陵文宣王行狀注作楊經

字仲武，滎陽宛陵人也。中領軍肅侯之曾

孫，荊州刺史戴侯之孫，東武康侯之子也。八歲喪父，其母鄭氏，光

祿勳密陵成侯之元女，操行甚高，恤養幼孤，自保丈夫家，而免諸難。戴侯康侯多所論著，又善草隸之藝。子曰：妙年之秀，固能綜覽義旨，而軌式模範矣。雖舅氏隆盛，而孤貧守約，心安陋巷，體服菲薄。余甚奇之，若乃清才儕茂，盛德日新，吾見其進，未見其已也。既藉三葉世親之恩，而子之姑，余之伉儷焉。往歲卒于德宮里，喪服同次，絰繆累月。苟人必有心，此亦款誠之至也。不幸短命，春秋二十九。元康九年夏五月己亥卒，嗚呼哀哉！乃作誄曰：

伊予之先，亦葉熙隆。惟祖惟曾，載揚休風。顯若康侯，無祿早終。名器雖光，勳業未融。篤生吾子，誕茂淑姿。克岐克嶷，知章知微。鉤深探赜，味道研機。匪直也人，邦家之輝。子之遘閔，曾未亂髮。如彼危

根當此衝焱德之休明靡幽不臻弱冠流芳雋聲清劭爾舅惟榮
爾宗惟瘁幼秉殊操遼豐安匱撰錄先訓俾無隕墜舊文新盛固
不必肆潘楊之祿有自來矣矧乃今日慎終如始爾休爾威如寶
在己視子猶父不得猶子敬亦既篤愛亦既深雖殊其年實同厥
心日是景而望子朝陰如何短折背世涇沈嗚呼哀哉寢疾彌留
守茲孝友臨命忘身顧戀慈母哀哀慈母痛心疾首啜啜同生憊
悽諸舅春蘭擢莖方茂其誰荆寶挺璞將剖于和含芳委耀毀璧
摧柯嗚呼仰武痛哉柰何德宮之難同次外寢惟我與爾對筵接
枕自時迄今曾未盈稔姑姪繼噴何痛斯甚嗚呼哀哉披帙散書
屢輒遺文有造有寫或草或真執玩周復想見其人紙勞于手澣
沾于巾鉢笠旣襲匣隧旣開痛矣楊子與世長乖朝濟洛川夕入
山隈歸鳥頡頏行雲徘徊臨穴永訣撫櫬盡哀遺形莫紹增慟余
懷魂兮往矣梁木實摧嗚呼哀哉

文選

馬汧督誄

并序

惟元康七年秋九月十五日晉故督守關中侯扶風馬君卒。嗚呼哀哉。初雍部之內屬羌反未弭而編戶之氐又肆逆焉雖王旅致討終于殄滅而蜂蠭有毒驟失小利俾百姓流亡頻于塗炭建威喪元于好畤州伯胥遁乎大駁若曰偏師裨將之殞首覆軍者蓋呂十數剖符專城紓青施墨之司奔走失其守者相望于境秦隴之僑輩更爲魁既已襲汧而館其縣子呂眇爾之身介乎重圍之中率寡弱之眾據十雉之城羣氐如蝦毛而起四面兩射城中城中鑿穴而處負戶而汲木石將盡樵蘇乏竭芻蕘罄絕于是乎發梁棟而用之蜀曰鐵鎧機關旣縱礮而又升焉爨陳焦之麥柿枳桷之松用能薪芻不匱人畜取給青煙傍起歷馬長鳴凶醜駭而疑懼乃闕地而攻子命究浚塹寘壠鑄瓶甌丈篋之將穿響作內焚礪火薰之潛氐殲焉久之安西之救至竟免虎口之厄全數百

禹后之積文契書于幕府聖朝疇忝進旨顯秩殊呂幢蓋之制而
州之有司乃目私隸數口穀十斛攷訊吏兵旨櫛楚之辭連之大
將軍屢抗其疏曰敦固守孤城獨當羣寇呂少禦眾載離寒暑臨
危奮節保穀全城而雍州從事忌敦勳效極推小疵非所目褒獎
元功宜解敦禁劾假授詔書遽許而子固已下獄發憤而卒也朝
廷聞而傷之策書曰皇帝眷故督守關中侯馬敦忠勇果毅率屬
有方固守孤城危逼獲濟寵秩未加不幸喪亡朕用悼焉今追贈
牙門將軍印綬祠目少牢魂而有靈嘉茲寵榮然絜士之間穢其
庸致思乎若乃下吏之肆其嘯害則皆妬之徒也嗟乎妬之欺善
抑亦貿首之讎也語曰或戒其子慎無爲善言固可目若是悲夫
昔乘丘之戰賁父御魯莊公馬驚敗績賁父曰他日未嘗敗績
而今敗績是無勇也遂死之圉人浴馬有流矢在白肉公曰非其
罪也乃誅之漢明帝時有司馬叔持者自日于都市手劍父備視

死如歸亦命史臣班固而爲之誄然則忠孝義烈之流慷慨非命而死者縕辭之士未之或遺也天子旣已策而贈之微臣託平壤史之末敢闕其文哉乃作誄曰

知人未易人未易知嗟茲馬生位末名卑西戎猾夏乃奮其奇保此汧城救我邊危彼邊奚危城小粟富子呂眇身而裁其宗兵無加徹墉不增築誓誓羣狄豺虎競逐輩更恣睢潛跨官寺齊萬廸闔震驚台司聲勢沸騰種落煽熾旌旗電舒戈矛林植形珠星流飛矢雨集湍湍士女號天呂泣爨麥而炊負戶呂汲累卵之危倒懸之急馬生爰發在險彌亮精冠白日猛烈秋霜稜威可厲懦夫克壯霑恩撫循寒士挾纊蠢蠹犬羊阻眾陵寃潛隧密攻九地之下慄慄窮城氣若無假昔命懸天今也惟馬惟此馬生才博智贍儻呂瓶壺刷呂長塗錘未見鋒火呂起焰薰戶滿窟掩穴呂斂木石匱竭莫稚空虛濶然馬生傲若有餘燄梁爲礪楠松爲芻守不

乏械歷有鳴駒、哀哀建威、身伏斧質、悠悠然將覆車喪器、戎釋我徒、顯誅我師、目生易死、疇克不一。聖朝西顧、關右震惶、分我汧庾、化爲寇糧。實賴夫子、思慕彌長、咸使有勇、致命知方。我雖末學、聞之前典、十世宥能、表墓旌善、思人愛樹、甘棠不翦、矧乃吾子、功深疑淺、兩造未具、儲隸蓋鮮、孰是勲庸、而不獲免、猶哉部司、其心反側、斲善害能、醜正惡直、牧人逶迤、自公退食、聞穢鷹揚、曾不戢翼、忘爾大勞、猜爾小利、苟其閑懷、于何不至、慨慨馬生、琅琅高致、發憤囹圄、沒而猶眠、嗚呼哀哉、安平出奇、破齊克完、張孟運籌、危趙獲安、汎人賴子、猶彼談單、如何吝嫉、搖之筆端、傾倉可賞、矧云私粟、狄隸可頒、況曰家僕、剔子雙龜、貫目三木、功存汎城、身死汎獄、凡爾同園、心焉摧剝、扶老攜幼、街號巷哭、嗚呼哀哉、明天子旌已殊恩、光光寵贈、乃牙其門、司勳頒爵、亦兆後昆、死而有靈、庶慰冤魂、嗚呼哀哉、文選

賜進士出身二品銜廣東等處提刑按察使司按察使兼管牒傳事務黃岡王毓藻校刊

全晉文卷九十二終

全晉文卷九十三

烏程嚴可均校輯

潘岳四

太宰魯武公誄

案魯公
賈充

昂昂公侯，實天誕育。八元斯九，五臣茲六。惟帝召公，通揚祖宗，延登東序，服袞珥形。口口口口口口口使夫廟疑定于神算，揜計逆節，折衝江湖。走欽擒儉，梟誕獎吳。公于出征，爰整其旅。壘未越郊，麾不及舉。秦涼獲乂，西戎卽敘。年踰知命，位極人臣。家無餘祿，貴而食貧。他人之賢，譬彼丘陵。邈矣公侯，如日之升。泰山其積，寢疾不興。遐邇曷仰，社稷焉憑。生則榮易，終哀實難。靡不春華，鮮克歲寒。於呼公隕，率土含酸。趙喪望諸，列國同傷。秦亡蹇叔，春者不相。挑李不言，下自成行。德之休明，沒能彌彰。書鈔三十八載文類
聚五十五文選王融

曲水詩序注又裕淵碑文注
引兩條又齊安陸王碑文注

庾尚書誄

寬而能懷、威而不猛、化行如形、民應如影、瞪瞪虛坐、翩翩立幕、几

筵生塵、空館寥廓

藝文類聚四十八

夏侯常侍誄并序

夏侯湛字孝若，譙人也。少知名，弱冠辟太尉府，賢良方正徵仍爲太子舍人，尚書郎，野王令，中書郎，南陽相。家艱乞還，頃之選爲太子僕，未就命而世祖崩。天子召爲散騎常侍，從班列也。春秋四十九。元康元年夏五月壬辰寢疾卒于延喜里第。嗚呼哀哉！乃作誄曰：

禹錫玄珪，實曰文命。克明克聖，光啟夏政。其在于漢，邁勳惟要。思弘儒業，小大雙名。顯祖曜德，牧兗及荆。父守淮嶽，治亦有聲。英英夫子，灼灼其雋。飛辯摛藻，華繁玉振。如彼隨和，發彩流潤。如彼錦繡，列素點綉。人見其表，莫測其裏。徒謂吾生，文勝則史。心照神交，

唯我與子、且歷少長、逮觀終始。子之承親、孝齊閭參。子之友悌、和
如瑟琴。事君直道、與朋信心。雖寶唱高、猶賞爾音。弱冠厲翼、羽儀
初升。公弓既招、皇輿乃徵。內贊兩宮、外宰黎蒸。忠節允著、清風載
興。決彼樂都、籠子惟王。設官建輔、妙簡邦良。用取喉舌、相爾南陽。
惠訓不倦、視民如傷。乃眷北顧、辭祚延喜。余亦偃息、無事明時。疇
昔之遊、二紀于茲。班白攜手、何歡如之。居吾語汝、眾實勝寡。人惡
雋異、俗疵文雅。執戟疲揚、長沙投賈。無謂爾高、恥居物下。子乃洗
然、變色易容。慨焉歎曰、道固不同。爲仁由己、匪我求蒙。誰毀誰譽、
何去何從。莫涅匪繙、莫磨匪礪。予獨正色、居屈志申。雖不爾已、猶
致其身。獻替盡規、媚茲一人。讜言忠謀、世祖是嘉。將僕儲皇、奉
承華先朝。未命聖列、顯加入侍。帝闔出光厥家、我聞積善。神降之
吉、宜享遐紀。長保天秩、如何斯人。而有斯疾、曾未知命。中年隕卒、
嗚呼哀哉。唯爾之存、匪爵而貴。甘食美服、重珍兼味。臨終遺誓、永

錫爾類斂。召時襲殯，不簡器。誰能拔俗，生盡其養，孰是養生，而薄其葬。淵哉若人，縱心條曠。傑操明達，困而彌亮。柩格旣祖，容體長歸，存亡永訣。逝者不追，望子舊車。覽爾遺衣，幅抑失聲。遊涕交揮，非子爲憫。吾慟爲誰，嗚呼哀哉。日往月來，暑退寒凝。露沾疑動，風淒急慘。爾其傷念，我良執適。子素館撫孤相泣，前思未弭，後感仍集，積悲滿懷。逝矣安及，嗚呼哀哉。文選贊文類

聚四十八

南陽長公主誄

昔唐女嬃媯書敘釐降之美，周姬適齊詩詠肅雍之歌。漢之新野，呂節義垂千載。伊晉之獻主，召聰明睿智考終定謐。茲可謂母儀純備，遺蹟古烈者也。惜乎不永，背世湮沈。爰託素旗，式章徽音。主之誕育既慕洪胄，德之休明亦固天授。思心婉變，淑質純茂。母儀不忒，內則靡疚。擊自弱笄，有徵其芬。言告言歸，作合于荀。在貴思降，處逸能勤。上虞諸姑，下接支嫡。內諾閨闥，外和族姻。終溫且

惠淑慎其身積善餘慶啟茲名胤厲旨惠肅誨旨柔順主實體化

不言而信二子遵式匪嚴而峻於穆獻后

初學記十
作獻主

奕代熙威重

作大司黎牧火正國之仁姑家之慈母天道輔賢宜享遐壽如何
短命曾不華首寢疾弗興繁榮權杖嗚呼哀哉容車戒路祖奠在
庭駢驂躡蹠服馬悲鳴皇輿親臨望旗失聲列辟咸起灑淚霑纓
嗚呼哀哉既次墓門降柩升輶靈衣從風素幕生塵明燎守夜紗
綉俟晨噭噭遺輶熒熒孤臣號無廢音涕不輟巾

皇女謫

厥初在鞠王質華繁玄髮儻曜蛾眉連娟清顱橫流明眸朗鮮
時夙智望歲能言亦旣免悽提攜紫庭聰惠機警授色應聲譽
其進好日之經辭合容止閑于幼齡猗猗春蘭柔條含芳落英潤
矣從風颺颺妙好弱媛窈窕淑良孰是人斯而罹斯殃靈殞旣神
次此暴廬披覽遺物徘徊舊居手澤未改領膩如初孤魂遐逝存

亡永殊鳴呼哀哉

載文類聚十六

邢夫人誄

臨命相訣交腕握手

文選恨賦注

從姊誄

義心清尚莫之與鄰

文選謝延之秋胡詩注

秦氏從姊誄

家失慈覆世喪母儀

文選謝莊宣貴妃誄注

賈充婦宜城宣君誄

昔在武公葬禮殊倫伉儷一體朝儀則均行成于己名生于人考終定謚實曰宣君祝宗旌事卿相奉引輕車整轡介士列陣駕路依容輶車升櫬

晉書謝琰傳御覽二百二

虞茂春誄

娘撫墳兮告辭皆莫能兮仰視

文選謝靈運處陵王墓下詩注

司空密陵侯鄭袞碑

公雖達華袞猶宋其紱

文選齊竟陵王行狀注

陳誤台階翼和鼎實顯績成于臺省清風暢于所莅故能老安少懷遠至邇親凡厥搢紳之士所曰挹酌洪流含咀英芳眷猶旱苗之仰膏雨湛露之晞朝陽也銘曰

於鑠元疾則天垂象弘操嶽峻宇量深廣允恭克讓宣哲清明有始有卒可大可久言由忠信行履孝友光光金貂再冠其首赫赫皇符仍折其部義格皇穹德冠羣后清風顯烈沒而不朽藝文類聚四十

七

荊州刺史東武戴侯楊使君碑

肇字秀初滎陽人

文選懷舊賦注

驍騎府君之嫡孫領軍肅侯之嗣子

文選

蘇注楊荊州君誕保靈和繼期載德宣哲清朗直道高尚若乃嘉號推賢博愛濟眾邦黨服其義而搢紳慕其風藝文類聚五十嘉平初除軒令

文選楊州
詠注

遷治書侍御史

同上

兼統大理之任

同上

除野王典農中郎

將

同上

于時文后麻數在躬相國幕府實允華夏九德咸重俊乂在

官成君名器納

字參軍

魏文類聚五十又文選五等初建封東武

子

文選注

皇祖之始興戎武衛同上呂清宮勳勞進封東武伯

同上領

東莞相

荊州刺史

同上

加折衝將軍

同上

宏略被于南國美化行乎江

漢西陵之役

懸軍深入藐薄寇壘躬行天誅既而救兵不進糧盡

道窮因乃慚然迴慮殷其眾而返雖爲法受勦

勦庸未崇而天下

服其勇世主思其忠

載文類

五十肇號天子愍焉遺謁者祠呂太牢諡

曰戴侯

文選注又見

戴侯賦注

都鄉碑

目中牟故縣呂西

西至于清溝

水經二十

二渠水注

景獻皇后哀策文

於穆先哲

儻黃協運世宗之胤德博化光用儉禮峻任姒隆周后

亦母晉終溫且惠其儀淑慎既慎其儀克明禮教撫翼齊恭訓成
弘操其慈有威不舒不暴乃家乃承是則是效嗟余艱屯仍遭不
造靡恃惟妣景命弗保心之云痛痛貫穹昊襲龜筮之良辰啟幽
房之潛隧整武駕之隆壯結龍輶之縞駟望旗常而崩摧披輶輓
呂增欷口嗚咽呂失聲目橫遊目灑淚邈雨絕于宮闈長無覩于
芳鬢文類

狀十五

羊夫人謚策文

光啟洪祚慶流萬國

文選齊安陸王碑文注

傷弱子辭

惟元康二年春三月壬寅弱子生夏五月余之長安壬寅次于新
安之千秋亭甲辰而弱子夭越翼日乙巳瘞于亭東感羸博之哀
乃傷之曰

柰何兮弱子邈棄爾兮丘林遺眺兮墳瘞草莽莽兮木森森伊遂

古之遐胄。遠祖考之永延。容吾家之不嗣。羌一邇之未甄。仰崇堂
之遺構。若無津而涉川。葉落永離。覆水不收。赤子何辜。罪我之由。
藝文類聚三十四文選潘岳西征賦注御覽一百九十四

金鹿哀辭

嗟我金鹿。天資特挺。鬚髮凝膚。蛾眉躋領。柔情和泰。朗心聰警。嗚
呼上天。胡忍我門。良嬪短世。令子天昏。旣披我軸。又翦我根。槐如
匏木。枯荄獨存。捐子中野。遵我歸路。將反如疑。迴首長顙。

陽城劉氏妹哀辭

鳥鳴于柏。鳥號于荆。徘徊躊躇。立聞其聲。相彼羽族。矧伊人情。呻
心長叫。痛我同生。誕育聖王。發奇稚齒。如彼名駢。昂昂千里。劉氏
懷寶。未曜隨和。伊予輕弱。弗克負荷。祿微于朝。貯暨于家。俾我介
妹勤儉。備加珍羞。罕御器服。靡華撫膺。恨毒逝矣。柰何哀哀母氏。
蒸蒸聖慈。震懼擬標。何痛如之。魂而有靈。豈不慕思。嗟哉往矣。當

復何時

妹哀辭

庭祖兩松路引雙轎爾身爾子永與世辭

文選宣貴
妃詠注

悲邢生

周文公之苗裔子元舅之洪胄屬操確其不拔鄉譽著而日就妙
邦畿而高察雄州閭召擢秀茂實賜矣而休名未衍其財至貧其
位至賤而死之日奔者盈庭停余車而在郊撫靈櫬召增悲瞻轎
容而想像曾無覩乎餘輝送子兮境垂永訣兮路岐一別兮長絕
盡哀兮告離

京陵女公子王氏哀辭

猗歟公子季女惟王生自洪胄稟茲義方盼倩粲麗窈窕淑良如
彼春蘭吐葩含芳葩召霜噴芳召歇盡彼蒼者天胡蘆斯忍曾未
弱笄無疾而隕官朝震驚靡人不愍嗟爾母氏劬勞撫鞠恩斯勤

斯是長是育。帷屏媚子、奄離顧復哀。無廢心涕不輟。且于已祖之于掖閨庭。于已送之陵岡嵬嵬。僕馬迴眷、旗旐旋飛。夕陽失映、晴鳥忘歸。皎皎宵月、載盈載微。冥冥公子、一往不追。長夜無旦。孤魂曷依。

爲任子咸妻作孤女澤蘭哀辭

澤蘭者、任子咸之女也。涉三巖、未沒衰而殞。余聞而悲之、遂爲其母辭。

茫茫造化、爰啟英淑。猗猗澤蘭、應靈誕育。鬢髮蛾眉、巧笑美目。顏耀榮若華茂、時蘋如金之精。如蘭之馥、淑質彌暘。聰惠日新、朝夕顧復。夙夜盡勤、彼蒼者天。哀此矜人、胡寧不惠。忍子眇身、俾爾嬰孺。微命弗振、俯覽衾襚。仰訴宵旻、弱子在懷。旣生不遂、存靡託躬。沒無遺類、耳存遺響。目想餘顏、寢席伏枕。擢心剖肝、相彼鳥矣。和鳴嚶嚶、矧伊蘭子。音影冥冥、彷徨丘壙。徒倚墳壘、

哀永逝文

啟夕兮宵興悲絕緒兮莫承俄龍輶兮門側嗟俟時兮將升嫂姪兮憤恨慈姑兮垂於聞鳴雞兮戒朝咸驚號兮撫膺逝日長兮生年淹憂患眾兮歡樂渺彼遙思兮離居歟河廣兮宋遠今柰何兮一舉邈終天兮不反盡余哀兮祖之晨揚明燎兮援靈輒徹房帷兮席庭筵舉酌觴兮告永遷悽切兮增欷俯仰兮揮淚想孤魂兮眷舊宇視倏忽兮若髡鬚徒髡鬚兮在慮靡耳目兮一遇停駕兮淹留徘徊兮故處周求兮何獲引身兮當去去華輦兮初邁馬迴首兮旋旆風泠泠兮入帷雲霏霏兮承蓋鳥俛翼兮忘林魚仰沫兮失瀨悵悵兮遲遲遵吉路兮凶歸思其人兮已滅覽餘迹兮未夷昔同塗兮今異世憶舊歡兮增新悲謂原隰兮無畔謂川流兮無岸望山兮寥廓臨水兮浩汗視天日兮蒼茫面邑里兮蕭散匪外物兮或改固歡哀兮情換嗟潛隧兮旣敞將送形兮長往委蘭

房兮繁華、葬窮泉兮朽壤。中慕叫兮擗標之子降兮宅兆。撫靈
櫬兮訣幽房。棺冥冥兮埏窈窕。戶闔兮燈滅夜。何時兮復曉歸反。
哭兮殯宮聲有止兮哀無終。是乎非乎何皇趣一遇兮目中既遇。
目兮無兆曾寤寐兮弗夢。既顧瞻兮家道長寄心兮爾躬重日已
矣。此蓋新哀之情然耳渠懷之其幾何。庶無愧兮莊子文選載文
類賦三十

哭弟文

視不見兮聽不聞。逝日遠兮憂彌殷。終晤首兮何時忘。情楚惻兮

常苦辛。

戴文類聚

二十一

爲楊長文作弟仲武哀祝文

悠悠上天我獨何辜。祖考早世兄弟幼孤。備嘗艱毒同集蓼荼。父
今生我過庭靡聞母兮鞠我寧一苦辛。日顧日復我弟我身竝自
垂髫越于成人。濟哲聰朗純粹溫良烈烈清風邦族之望母氏劬

勞庶爾之報。彼斧者天子何不弔殮我令弟。窮泉是送無父何恤。
無弟何友。熒熒此身哀哀慈母煩冤痛毒撫心思。哀爾薄祜。逢
家多阻。弱冠未室。感年絕緒。喪庭寥廓。廬位無主。冥冥長夜。窈窕
玄宇。當復何時。見我仲武。于日祔之。于其王父魂而有靈。神其寧
處。

裁文類馳

弔孟嘗君文

人固貴賤士無眞僞。延入如歸。望賓若企。出振秦機。入專齊政。右
眄而贏強。左顧而田競。且曰造化爲水。天地爲舟。樂則齊喜。哀則
同憂。豈區區之國。而大邦是謀。瑣瑣之身。而名利是求。畏首畏尾。
東奔西仄。志撓于木鵠。命懸于孤葵。

裁文類
聚四十

爲諸婦祭庚新婦文

潛形幽櫬。寢神舊宇。室虛風生。牀塵帷舉。自我不見。載離寒暑。雖
則乖隔。哀亦時敘。歟殯今夕。祖行明朝。雨絕華庭。埃滅大宵。儻執

箕箒偕奉夕朝，旁鬢未行，顧瞻弗獲，伏膺飲淚。感今懷昔，懷昔伊

何，祁祁娣姒，感今伊何，冥冥吾子，形未廢目，音猶在耳。

裁文類聚
三十八又

文選顏延之元皇后哀
冊文沈懷昔作惟昔

草愍懷太子禱神文

陛下宜自了不自了，吾當入了之中宮，又宜速自了不不了，吾當手了之，并謝妃共要剋期而兩發，勿疑猶豫，致後患。茹毛飲血于三辰之下，皇天許當埽除患害，立道文爲王，蔣爲內主，願成當三社祠北君大赦天下，要疏如律令。

晉書愍懷太子傳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷九十三終

全晉文卷九十三

九